

公

羊

義

疏

皇清經解續編卷千二百十六

南菁書院

公羊義疏二十八

何容陳立卓人著

僖元年
盡是年

春秋公羊經傳解詁僖公第四疏

校勘記云唐石經僖公第五卷四魯世家季友與潛公弟

申如邾請魯求內之於是季友奉子申入立之是為釐公釐公亦莊公少子釋文僖公名申莊公之子閔公之兄母成風諡法小心畏忌曰僖

元年春王正月

公何以不言即位

注

据文公言即位

疏

注据文至即位

繼弑

君子不言即位

疏

穀梁傳曰繼弑君不言即位正也

此非子也其稱子何注

僖公者閔公庶兄据閔公繼子般傳不言子

疏

注僖公至庶兄○左傳正

義云魯世家僖公名申莊公之子閔公庶兄按世家無此語閔公為哀姜弟子僖公為其庶兄則成風非哀姜之媵蓋亦

先哀姜而入與孟任同者世家云季友自陳與潘公弟申如
邾則史公以僖公為閔公弟未可從也○注据閔至言子○
閔元年傳云繼統君不言即位是不言子也 臣子一例也注僖公繼成君閔公繼

未踰年君禮諸侯臣諸父兄弟以臣之繼君猶子之繼父也

其服皆斬衰故傳稱臣子一例疏白虎通封公侯云始封諸

古者象賢也弟非賢者子孫春秋傳曰善善及子孫不言及

昆弟昆弟尊同無相承養之義昆弟不相繼至繼體諸侯無

于待及親屬者以其俱賢者子孫也重其先祖之功故得及

之又喪服云臣之於君猶子之於父明至尊臣子之功故得及

則臣子一例指繼體君言也段氏玉裁經韻樓集云此公羊

謂孔子曰僖公為閔子者以僖本閔臣而為閔子也知臣子

一例則知臣之者皆得子之矣故史記說仲丁至陽甲九世

太公至壽夢十九世幽王至敬王十四世皆兄弟為兩世祖

孫為兩世古人數一世至百世皆如是皆父子之也我盡子

之實而人得不日之父于乎人皆目之父于而兄弟行皆臣

子之名乎天子諸侯之尊自高曾行祖行父行兄弟行皆臣

之猶首之未有以爲怪者何居乎死後子之則以爲怪乎故

公羊所云千古之經禮也後世乃盡分爲人子爲人後爲二

事乎○注僖公至年君○莊三十二年傳注云未踰年之君

禮臣下無服故無子不廟不廟則不書葬故閔不稱子僖公
繼成君閔公死臣子同服故曰子其實諸侯以國體為重子
般雖未踰年待之已如君故亦不書即位明其義也○注禮
諸至一例○禮喪服大功章傳曰是故始封之君不臣諸父
昆弟封君之子不臣諸父而臣昆弟封君之孫盡臣諸父昆
弟白虎通封公侯云繼世諸侯無子又無弟但有諸父庶兄
當誰與與庶兄推親之序也故以倍公繼閔公不以季友也
又王者不臣云始封之君不臣諸父昆弟何不忍以已一日
之功德加於諸父昆弟也故禮服傳曰封君之子不臣諸父
封君之孫盡臣之喪服云諸侯為天子斬衰三年何普天
之下莫非王土率土之濱莫非王臣臣之於君猶子之於父
明至尊臣子之義也按禮喪服斬衰章於諸侯為天子下為
君疏此君內兼有諸侯及大夫故文在天子下禮記大傳云
君有合族之道族人不得以其戚戚君又喪服小記云與諸
侯為兄弟者服斬注謂卿大夫以下也與尊者為親不敢以
輕服服之庶安生曰諸侯死凡與諸侯有五屬之親者皆服
斬以諸侯體尊不可以本親輕服之也皆謂封君之孫以
下也故後漢書朱意傳春秋之義諸父昆弟無所不臣所以
尊尊卑卑強幹弱枝者是也通典禮云晉武帝咸寧二年
安平穆王薨無嗣以母弟敦上繼獻王後博士張靖答宜依
魯僖服閔三年例按穆王為封君之子宜臣昆弟者也宋書
禮志引孫盛晉陽秋曰陽秋傳云臣子一例也雖繼君位不

以後尊降廢前敬昔魯僖公上嗣魯莊以友于長幼而外之
為逆準之古義明詔是也臣為君服斬則君於臣雖諸父昆
弟則無服其不臣者盛氏世佐儀禮集編云以本服服之不
絕并不降也通典載荀頴說以為大夫猶降其親則諸侯雖
所不臣者亦絕不服者非也虞喜以為大夫亦當從諸侯之
例一世為大夫不降兄弟二世不降諸父三世乃皆降之李
如圭儀禮集釋駁之謂諸侯世國大夫不世爵恐不得以世
數為比是也所不臣者服此國君先儒據小記謂與諸侯為
兄弟者服斬亦非既不臣則仍服本服也蓋臣于一例服皆
漸衰自指三世盡臣者言之也故小記注云雖在異國猶來
為三年以曾在本國作卿大夫也亦謂封君之孫以後者也

齊師宋師曹師次于聶北救邢疏杜云聶北邢地說文品部岳

讀與聶同一統志聶城在大名府清豐縣東北紀要在縣北
十里志以為次于聶北救邢即此十行本救邢下登救邢二
字校勘記云唐石經鄆本救邢字不登此本誤衍闕監毛本
同各本左傳曹師作曹伯誤石經左氏作曹師彼莊三十年
疏襄二十三年
疏引並作曹師

救不言次此其言次何注据夏師救齊不言次疏注据夏至

下十八年師不及事也不及事者何邢已亡矣注刺其救急

舒緩使至於亡故錄之止次以起之疏注刺其至起之穀

何也以其不足稱揚不言齊侯也注救不及事不足稱揚亦

謂譏其舒緩不急使至於亡也齊氏召南攻證云齊桓之功

在存亡國而經書稱北救邢既有三國之師其力非不足以

邦敵而遲遲其行徘徊不進待邢人潰圍而出始遷夷儀此

則伯者之私心也左氏公羊無所發明穀梁最得經義至城

邢復序三國之師傳曰美齊侯之功也功過不相掩持論平

矣按如何氏此注發明甚孰亡之益狄滅之注以上有狄伐

切齊氏謂無所發明何耶即莊三十二年冬狄伐邢是也左傳

邢疏邢人潰出奔師師遂逐狄人具邢器用而遷之是狄滅

之易為不言狄滅之注据狄滅温言滅疏注据狄至言狄

也温温子奔為桓公諱也疏繁露觀德云邢衛魯之同姓也曷

衛是也為桓公諱注据徐人取舒晉滅夏陽楚滅黃皆不諱疏注

徐至不諱○下三年徐人取舒注云不為桓諱者刺其不救

也其晉滅夏陽見下二年楚滅黃見下十二年此二事亦不

諱者與書徐人取舒同義舊上無天子下無方伯天下諸侯

有相滅亡者桓公不能救則桓公恥之注故以為諱所以醜

其能以治世自任而厚責之疏注故以至責之○舊疏云以

為已任矣厚責者論語衛靈公云躬自厚自疏引蔡謨云厚

者謂厚其德也謂以厚德責齊桓也通義云緣桓公之心而

為之諱故於夏陽於溫於弦於黃皆直言滅以罪其不救也

於邢衛杞因其能救之於末乃追諱其不能救之於本穀梁

傳言大非救也非救而曰救何也遂齊侯之意也按春秋責

溫黃不能救則書滅以取之所以厚責其不能而醜其能也

潛夫論邊議云齊桓晉文宋襄衰世諸侯猶恥天下相滅而

已不能救亦善曷為先言次而後言救注据叔孫豹先言救

善從長意也君也注叔孫豹師帥救晉次于雍榆是也君也注叔

孫豹臣也當先通君命故先言救今此先言次知實諸侯疏

欽梁傳曰是齊侯與齊侯也何用見其是齊侯也曹無師曹

師者曹伯也其不言曹伯何也以其不言齊侯不可言曹伯

也注曹君不可在師下故知是齊侯因救不及事故不書齊侯并非不得書曹伯知皆君也故左傳亦言諸侯救邢杜云齊大夫而曰諸侯總衆國之辭者非也通義云左傳亦曰諸侯救邢與此合劉氏權衡云若令救時及事春秋自不書其次不書其次遂無以見其是君此未足以窮傳也因有雍榆適可與此事相比故分別君臣假令救晉救邢有一不言次者又必別有所託以起不專封之義矣春秋文隨事變豈得設文外之事而泥事後之文以生巧辨者哉○注叔孫至諸侯○史記注引賈逵云此與襄二十三年叔孫豹救晉次于雍榆二事相反言此是君也進止自由彼是臣也先通君命左疏云賈服取以爲說則君則其稱師何不與諸侯專封也服氏亦同皆本公羊義也

注故沒君文但舉師而已疏繁露王道云有天子在諸侯不許田知諸侯不得專封彼專封爲專地不專封是也又云觀乎晉文宋襄楚莊知任賢奉上之功齊桓謂此沒君文事也

曷爲不與注据狄滅之爲桓公諱實與注不書所封歸是也

疏注不書至是也○昭十三年秋蔡侯廬歸于蔡陳侯吳歸于陳傳云此皆滅國也其言歸何不與諸侯專封也彼注云故使若有國自歸者也然則彼書所封歸是不與楚專封此不書邢侯歸于邢是爲與齊專封也故曰實與也而

文不與疏

通義云實不與則當去齊人文與則當言齊侯

者各見春秋之快事也誅其可誅賞其可賞若天之施四時

錯行若文王之治庸成並川按繁露竹林云見其指者不在

其辭不任其辭然後可與文曷為不與注據實與也諸侯之

適道矣指則實辭則文也

義不得專封也注此道大平制疏注此道大平制○即春秋

春秋所謂撥亂世反諸正也繁露王道云齊桓會王世子擅

封刑衛祀橫行中國意欲王天下又云桓公存邢衛祀不見

春秋內心子之行法絕而不于止亂之道也非諸侯所當為

也孟子告子下蔡丘之會諸侯五命曰無有封而不告注無

以私恩擅有所封賞而不告盟主也趙氏意以若是告天子

則指封邢衛自犯其禁故以為不告盟主然五命所禁皆本

王章所云不告自當指告天子言即此傳之諸侯之義不得

專封也其五禁之中桓公自犯者多豈必專封一節有所諱

避葵丘所命專為尊王趙氏說非也包氏慎言云邢以自諸

遷為文猶蔡陳之以自歸為文奪其專封所以疆王義也諸

侯之義不得專封則其曰實與之何上無天子下無方伯天

下諸侯有相滅亡者力能救之則救之可也注主書者起文

從實也疏天子不失人臣之義故聖人與之非明王之法不

張霸猶迫也把也迫有諸侯把持王政詩邶風旄丘序云衛

不修方伯連率之職箋衛康叔之封爵稱侯今日伯者時為

州伯也周之制使伯佐牧春秋傳曰五侯九伯侯謂牧也疏

引王制注云凡長皆因賢侯為之殷之州長曰伯虞夏及周

皆曰牧又曰千里之外設方伯公羊傳曰上無明天子下無

賢方伯方伯皆謂州長則此方伯亦州長矣周謂之牧而云

方伯者以一州之中為長故云方伯若牧下二伯不得云方

伯也○注起文從實也○明文雖不與從實與為主也通義

云善桓公之為此者得變之正也他日其命諸侯亦曰無有

封而不告合於春秋之義也齊桓存三亡國並周之舊封傳

輒罪其專封者蓋陳饑木非邢地楚丘緣陵亦本非衛與杞

地彼皆失其故國桓公更與以閒田始建國焉非諸侯不專
地之法也且唯天子有大封之禮乃命鄰國以其師城之故
詩曰王命仲山甫城彼東方其傳曰古者諸侯之居偏隘則
王者遷其邑而定其居明非有王者之命不得專遷亦不得
專城是以左傳曰僖之元年齊桓公遷邢于夷儀二年封衛
于楚丘齊語曰翟人攻邢桓公築夷儀以封之翟人攻衛
人出盧于曹桓公城楚丘以封之毛詩序曰衛為狄所滅齊
桓公攘戎狄而封之管子曰桓公築緣陵以封杞子車百乘
甲一千狄人攻邢邢君出致于齊桓公築夷儀以封之子車

百乘卒千人狄人伐衛衛君出致于虛桓公築楚丘以封之

子車三百乘甲五千綜諸傳記之文是三國皆齊所更封信

矣經於虎牢曰鄭虎牢彭城曰宋彭城而楚丘不繫衛緣陵

不繫紀又於以見非二國之故有地也後漢書馮衍傳顯志

賦曰爵管仲於夷儀注天下諸侯知桓公不為已動也是故

天下歸之唯能用夷吾而伯功立能輔主成業故就夷儀而

爵賞也按爵猶美謂美管仲夷儀之功

非實爵也亦非謂封管仲於夷儀也

夏六月邢遷于陳儀疏左穀作夷儀杜范並云夷儀邢地元和

是也夷儀故城今龍岡縣界夷儀故城是也在縣西一百四
十里沈氏欲韓左傳補注云按邢之遷以遠狄難今其所遷
仍在順德府邢臺縣境未遠于狄豈便為安此夷儀實近齊
衛之郊一統志夷儀城在東昌府聊城縣西南十二里大事
表後漢志聊城有夷儀聚在今山東東昌府聊城縣西南十
二里按漢志邢河內郡平皋縣應劭曰邢侯自襄國徙此當齊
桓時衛人伐邢邢遷于夷儀其地屬晉號曰邢以其地在
河之阜處勢平夷故曰平皋墳注曰春秋狄人伐邢邢遷夷
儀不在此今襄國西有夷儀城去襄國百餘里平皋是邢丘
非邢國也馬氏宗榘左傳補注云按邢國志邢國也此非齊
邢丘故邢國周公子所封是平皋之邢丘本邢國也此非齊
桓所遷之邢邢國志邢國志邢國志邢國志邢國志邢國志

在聊城百里之內臣瓚謂在襄國西是也若平舉邢丘乃衛所滅復入于晉師古曰晉侯逆女于邢丘卽此薛瓚駭應說甚精鄭元不知春秋有兩邢國其河水注亦混兩國而統釋之其失始于應劭矣史記正義邢丘在懷州武德縣東南二十里與此邢無涉差繆略以左穀與公羊同

遷者何其意也注其意自欲遷時邢創畏狄兵更欲依險阻

疏

通義云諸言遷于某者是也趙訪曰凡自遷其國以避夷狄月叛中國而請遷于夷狄則不月穀梁傳曰遷者猶得其國家以往者也其地邢復見也

傳書遷皆出自遷者之願者也遷之者何非其意也注謂

宋人遷宿也書者譏之也王者封諸侯必居士中所以教化者平貢賦者均在德不在險其後爲衛所滅是也遷例大國

月重煩勞也小國時此小國月者霸者所助城故與大國同

疏

注謂宋人遷宿也○莊十年三月宋人遷宿是也通義云若宋人遷宿遷陽是也於此發傳者實齊遷邢于陳儀故解不言齊人遷邢之意也起此遷實邢畏狄自欲遷依險阻非齊強遷之也○注書者至在險○白虎通京師云王者京

師必擇士中何所以均教道平往來使善易以聞為惡易以
 聞明當權慎損于善惡僕書叟敬傳敬曰成王營成周都洛
 以為此天下中諸侯四方納貢職道里鈞矣有德則易以王
 無德則易以亡凡居此者欲令務以德致人不欲阻險令後
 世驕奢以虐民也說苑賁德云魏武侯浮西河而下顧謂吳
 起曰美哉乎河山之固也此魏國之寶也起曰在德不在險
 昔三苗氏左洞庭右彭蠡德義不修而禹滅之夏桀左河濟
 右大華伊闕在其南羊腸在其北大河經其南修政不德而武王
 孟門而右大行常山在其北大河經其南修政不德而武王
 伐之由此觀之在德不在險若君不修德船中之人皆敵國
 也按左右多互譌此所謂在德不在險也明諸侯亦宜擇其
 一國之中矣賈誼曰古者天子之地方千里中之而為都輪
 將繇使遠者不過五百里而至諸侯之地方百里中之而為
 都輪將繇使遠者不過五十里而至輸者不苦其繁繇者不
 傷其費故遠人安所謂貢賦均也○注其後至是也○下二
 十五年春王正月丙午衛侯燬邢是也蓋邢恃險故為衛
 滅國語鄭語云鄆仲恃險亦恃險故為鄭滅與○注遺例至
 勞也○下三十一一年十有二月衛遷于帝丘之屬是也○注
 小國時○昭九年春許遷于夷之屬是也○注此小至國同
 邢小國書月與大國同者為霸王率諸侯助城亦為重煩
 也勞

齊師宋師曹師城邢

此一事也曷為復言齊師宋師曹師注据首戴前目而後凡

注据首並後凡○下五年公及齊侯宋公陳侯衛侯鄭伯許

男曹伯會王世子于首戴下云諸侯盟于首戴是前日後凡

也此若先日後凡不復言師則無以知其為一事也注言諸

師則嫌與首戴同嫌實師言諸侯則嫌與緣陵同嫌歸聞其

遷更與諸侯來城之未必反故人也故順上文則知桓公宿

留城之為一事也疏明即上救邢之師即齊侯宋公等也通

實諸侯也緣陵舉諸侯明故不復月則此宜蒙上月○注言

語至實師○舊疏云首戴之會歷序齊侯宋公之屬下文總

進衛侯便是實諸侯今此亦上歷序齊師之屬若下文直總

言諸師則與首戴同是實師非必齊侯宋公等是以得序

之以順上文也○注言諸至人也○十行文入作入校勘記

城十四年諸侯城緣陵是時會諸侯各自還國至十四年更
 來城之故此注云言諸侯則嫌與緣陵同嫌歸開其遷更與
 諸侯來城之也杜云一事而再列三國於文不可言諸侯師
 故是也反故人猶言故人反也○注故順至事也○殺梁傳
 日是向之師也使之如改事然美齊侯之功也彼以上救邢
 書次以彰情為貶爵而稱師此復稱師美齊侯故使如改事
 也與此順上文為一事異也舊疏云十四年殺梁傳其曰諸
 侯散辭也范云非伯者所制傳又云桓德衰矣何休曰先是
 盟亦言諸侯非散也又殺梁美九年諸侯盟于葵丘即散何
 以美之於義殺梁為短則何氏彼處廢殺梁不聽為散辭而
 此所引似作散辭者何意直以言諸侯見桓德衰待諸侯然
 後城故嫌殺梁以為散辭今此注正道緣陵之諸侯城會各
 自歸國復來城之仍自不道十四年諸侯為散辭矣舊疏又
 云宿音須就反留音盧肯反公羊問答云問陳氏浩曰宿留
 二字他書未見想亦漢時方言也信乎曰史記武帝紀宿留
 河上漢書五行志其宿留告曉人備其深切郊祀志東海宿
 留之數日列子黃帝怪而留之祝釋文留之視宿留而視之
 也何以言他書未之見也校勘記云盧文弨曰史記索隱音
 秀淵漢書郊祀志同五行志其宿留告曉人亦有讀本字者
 通義云按漢書五行志李尋傳後漢書來歷傳及孟子章句
 見行可仕下並有宿留之語宿留猶需留也易需卦鄭氏注
 亦讀為秀按孟子公孫丑云故不受也注故且宿留音義云

宿留上音秀下音霽孔氏廣森經學危言云易需象傳鄭君注云需讀為秀古語遲延有所俟曰宿留封禪書宿留海上漢五行志其宿留告曉人李尋傳宿留警言來歷傳此滅聖恩所宜宿留何氏春秋解詁宿留城之趙氏孟子萬章章句宿留以答之並上音秀下音濯東觀漢記和帝詔且復宿留後漢書作須留需與須通故讀為秀也漢世訓詁皆音義相將即六書轉注之學按風俗通過譽篇云何敢宿留後漢書韋彪傳劉楨曰卿以輕好去就爵位不齊今歲垂盡當選御史意在相薦子其宿留乎是宿留為漢世常語桓公自春救邢至是城而遷之宿留於邢事畢始反也

秋七月戊辰夫人姜氏薨于夷齊人以歸疏包氏慎言云經七月有戊辰麻為八月

月之二十七日石經左傳作齊人以尸歸校勘記云似後人依閔二年傳增入不足為據

夷者何齊地也疏閔二年左傳其仲通于哀姜欲立之閔公殺之于夷以其尸歸杜云夷魯地按彼傳明云齊人取而殺之于夷明為齊地也齊地則其言齊人

以歸何注據從國中歸不當書邾婁人執節于不書以歸是也

也疏注據從至是也○即下十九年宋人曹人邾婁人盟于曹南節子會盟于邾婁己酉邾婁人執節于用之是不

言以歸也通義云問夫人得在齊地則固歸齊矣何既薨乃言齊人以歸案經文似若齊人以歸為歸之齊故執以問

夫人薨于夷則齊人以歸注夫人所以薨于夷者齊人以歸

至夷疏以哀姜本孫邾婁不得至夷為齊人取歸故得薨于夷也夫人薨于夷則齊人曷

為以歸注據上說夫人薨于夷者齊人以歸至夷也齊人曷

為故以歸至于夷疏傳意以經既書薨與凡同文桓公召而

縊殺之注先言薨後言以歸而不言喪者起桓公召夫人于

邾婁歸殺之于夷因為內諱恥使若夫人自薨于夷然後齊

人以歸者也主書者從內不絕錄因見桓公行霸王誅不阿

親親疾夫人淫泆二叔殺二嗣子而殺之疏魯世家云齊桓

父亂以危魯乃召之邾而殺之以其屍歸注殺之魯謂為魯戮

非戮之魯地也注唐石經諸本同釋文縊一本作縊注先

言至者也注穀梁傳不言以喪歸非以喪歸也注加喪焉諱以

夫人歸也注秦曰齊人實以夫人歸殺之于夷諱故使若自

行至夷邁疾而斃然後齊人以喪歸也歸在斃前而今在下是加喪之文也經不言以喪歸者以本非以喪歸也杜云不言齊人殺諱之○注主書至絕錄○閔二年九月夫人姜氏孫于邾婁注云不如文姜于出奔貶之者為內臣子明其義不得以子絕母者是○注因見至殺之○校勘記云鄂本同閔監毛本王誤正漢書孝成趙皇后傳魯嚴公夫人殺世子齊桓公召而誅焉春秋與之又鄒陽傳陽言魯哀姜斃于夷孔子曰齊桓公法而不誅以為過也師古曰法而不誅言守法而行不能用權以免其親也或論語家說

楚人伐鄭注楚稱人者為僖公諱與夷狄交婚故進使若中國

又明嫁娶當慕賢者疏注楚稱至交婚○莊二十八年書荆

交婚者下八年禘于大廟用致夫人傳夫人何以不稱姜氏

譏以妾為妻也其言以妾為妻奈何蓋脅于齊媵女之先至

者也注僖公本聘楚女為適齊女為媵齊先致其女脅僖公

使用為適故從父母辭言致是也按宣公母頃熊其楚女與

舊疏云不書夫人及楚女至者起齊先致其女然後脅魯使立也楚女未至而豫廢故皆不得以夫人至書也義或然也

○注故進至中國○通義云僖公為所聞世之始始內諸夏而外夷狄治楚以漸故進而國之杜預謂荆自改號楚妾也

據左傳則桓莊之篇固皆稱楚矣假令實先號荆今更號楚
 魯頌作於僖公之世何以尚稱荆舒故知以州舉者自是略
 賤之辭詩與春秋其義正同按孔以僖公為所聞世與何異
 舊疏云正以稱人為楚進稱故也○注又明至賢者○新書
 胎教雜事云為子孫婚妻嫁女必擇孝悌世世有行義者即
 慕賢者之意也解詁箋云與楚交婚為大惡者言自比於楚
 也進楚所以辟外公也然據傳文及穀梁言之無取楚之事
 則知此為漸進文按何氏所據或公羊外傳諸書不得以傳
 文不見即牽涉穀梁以解公羊也

八月公會齊侯宋公鄭伯曹伯邾婁人于扞注月者危公會霸

者而與邾婁有辨也不從有夫人喪出會惡之者不如危重

也疏左穀扞作樛接穀梁莊二十七年傳注僖元年會扞當
 陳國陳縣西北有樛城大事表云左傳作舉今陳州府西北
 有樛城即樛也水經注渠水篇陳水東流謂之谷水東逕澇
 城王隱曰樛北有谷水是也樛即樛交經書公會齊宋于樛
 杜預曰樛即樛也○舊疏云正以非大信辭故也知與邾婁有
 注月者至辨也○舊疏云正以非大信辭故也知與邾婁有
 辨者即下文公敗邾婁師于櫻是也既出尊信之側而有私

尊故危之。注不從至重也。○下九年注襄公背殯出會宰
周公有不子之惡明重喪出會有惡此有夫人喪而出會諸
侯宜惡惟不
如危重也

九月公敗邾婁師于纒注有夫人喪不惡親用兵者時怨邾婁

人以夫人與齊於喪事無薄故也疏左穀纒作偃纒偃一聲
伯嬰稻名疏文公十八年秦伯罾卒宣四年秦伯稻卒是也
文十八年左傳疏引賈氏云穀梁傳曰素伯偃知古偃嬰得
通矣故漢書古今人表女祭大戴禮作女偃錢氏大昕史記
考異謂罾區皆音之轉是也杜云邾地在費縣西○注有夫
至故也○下三十三年晉人及姜戎敗秦師于穀傳云襄公
親之則其稱人何貶曷為貶君在乎殯而用師危不得葬也
是背殯用兵者貶而危之此亦背殯無危辭故難之也舊疏
云此經云公敗邾婁師于纒與公敗齊師于長勺公敗宋師
于乘丘之屬無異者時於喪事無薄故然則公敗邾婁為哀
姜復讎也通義云有夫人喪公再出不諱者本不當喪以小
君之禮從下喪至貶見按以莊九年不與公復讎證之孔義亦通

冬十月壬午公子友帥師敗莒師于犁疏包氏慎言云冬十月

月之十三日十二月經有丁巳其月之十八日也丁巳日不
誤則十月不得有壬午長麻於閏二年閏六月此年又閏十
一月故於經所書日皆無抵悟然當時麻雖疏不應如此之
乖謬也左氏作鄭杜云鄭魯地穀梁傳作麗按麗即鄭之
省山左金石志鄭述祖天柱山銘麗其聘游之地麗其即麗
食其也犂音同段借字關中金石記大秦景教流行中國
碑跋大秦郎犂犂說文作麗犂是也

獲莒挈疏釋文挈一本作茹左傳校勘記石經宋本涓熙本足
利本岳本挈作挈是也按今左傳毛本監本作挈當

正改

莒挈者何莒大夫也莒無大夫此何以書大季子之獲也何

大乎季子之獲注據獲人當坐疏注據獲人當坐○穀梁季

子治內難以正注謂拒慶父疏注謂拒慶父○校勘記云元

本誤據禦外難以正其禦外難以正奈何公子慶父弑閔公走

而之莒莒人逐之將由乎齊齊人不納却反舍于汶水之上

疏校勘記云唐石經諸本同解云舊有皆作洛者誤也今齊魯之間有汶無洛使公子奚斯入請

疏魯世家魯人欲誅慶父慶父忠奔莒季友以賂如莒求慶父慶父歸使人殺慶父慶父請奔弗聽乃使大夫奚斯行

左傳閔二年云其仲奔莒以賂求共仲于莒莒人歸之及密使公子魚請注密魯地琅邪費縣北有密如亭公子魚奚斯

也奚斯亦見詩魯頌閟宮云新廟奕奕奚斯所作文選兩都賦序奚斯頌魯注引韓詩傳奚斯魯公子也如左傳文蓋名

魚字奚斯與法言云公子奚斯常晞正考父矣阮氏元學經室集有以鮮魚名爲本誼而藉聲近之斯爲用者詩奚斯所

作左傳奚斯爲公子魚字孟子庾公之斯左傳作庾公登字子魚登乃斯聲近之誤斯乃鮮段借字也季子曰

公子不可以入入則殺矣注義不可見賊而不殺**疏**公子亦如莊三

十二年呼叔牙爲公子同蓋亦外之之詞按左傳史記皆言以賂求共仲於莒如此傳則非以賂求矣奚斯不

忍反命于慶父自南涘注涘水涯**疏**注涘水涯○詩秦風蒹葭云宛在水中涘傳涘

水厓又王風葛藟在河之北而哭注時慶父在汶水之北

疏注時慶至之北○各本在誤自依鄂本正見校勘記魯世家云哭而往左傳又云不許哭而往是也慶父聞

之曰噓注噓發痛語首之聲疏注發痛至之聲○舊疏云謂

首也大戴禮少間云公曰噓注噓歎息之聲禮記檀弓云夫

子曰噓注噓悲恨之聲列子天瑞國氏曰噓注噓哀痛之聲

史記名仲連傳噓亦太甚矣索隱噓者驚恨之歎也此云

發聲較各說尤切張儀傳儀被答其妻曰噓注子毋讀書遊說

安有此辱此奚斯之聲也諾已注諾已皆自畢語疏注諾已

乎亦同此○舊疏云畢作卑字誤通義云諾應聲答奚斯知其意已聞

猶言既而曰以已字屬下請按疏又云猶似今人云休一生

罷去曰自畢竟之辭故云自畢語矣孫氏志祖讀書體錄云

淮南說林訓諾之與已相去千里諾已謂奚斯所詐已止不

成故重言曰吾不得入矣於是抗軻經而死注軻小車轅

冀州以北名之云爾疏閔二年左傳其仲曰奚斯之聲也入

通義云抗舉也軒其車使軻去地高可得經也繁露精華云

是故逢丑父當斷而轅濤塗不宜執轡季子追慶父而與季

子釋闔廡此四者罪同異論其本殊也俱欺三年或死或不

死俱弑君或誅或不誅疏訟折獄可無審耶○注軻小至云

爾○十行本北作此校勘記云閔監毛本同誤也蜀大字本

此作北當據正漢制考同按說文車部軻轅也攷工記軻人

為朝注朝車轅也方言九轅楚衛之間謂之朝楚詞東君駕龍軒分乘雷注朝車轅也禮既夕云薦平直東榮北轅注轅轅也朝人又云十分其朝之長注云朝當伏免者也小爾雅廣言以朝為輿者朝以載輿因謂輿為朝也故也莒人

聞之曰吾已得子之賊矣以求賂乎魯注魯時雖緩追賈外

購求之疏左傳亦云莒人來求賂注求還慶父之賂○注魯

也通義云魯本賂莒使歸慶父莒魯人不與為是興師而伐但逐之而已聞其自死乃復責賂

魯注故與季子獲之疏子以獲故書莒大夫大其獲也季子

待之以偏戰注傳云爾者善季子忿不加暴得君子之道疏

注傳云至之道○舊疏云此待之以偏戰者即經書敗文是也敗者內戰文耳莒人可忿而能結日偏戰偏戰是其不加

暴之義故得君子之道繁露竹林云難者曰春秋之書戰伐也有惡有善也惡詐擊而善偏戰是也通義云云爾者釋士

午日也謂其結日故為善辭也穀梁傳義異彼傳曰內不言獲此其言獲何也惡公子之給注給欺給也又曰給者奈何

公子友謂莒擊曰吾二人不相說士卒何罪屏左右而相搏公子友處下左右曰孟勞孟勞者魯之寶刀也公子友以殺

之然則何以惡乎給也曰棄師之道也是以書獲為譏文彼
注引江熙曰經書敗莒師而傳云二人相搏則師不戰何以
 得敗理自不通也夫王赫斯怒貴在爰整子所慎三職居其
 一季友令德之人豈當舍三軍之整佻身獨闕潛刃相害以
 決勝負者哉雖千載之事難明然風味之所期古猶今也
 此又事之不然傳或失之是穀梁先師亦不以彼傳為然
 十有二月丁巳夫人氏之喪至自齊疏而葬之閔二年左傳云魯公請
 請而葬之是也

夫人何以不稱姜氏注据薨于夷稱姜氏經有氏不但問不

稱姜并言氏者嫌据夫人婦姜欲使去氏疏注据薨至姜氏

有至去氏○宣元年遂以夫人婦姜至自齊傳夫人何以不

稱姜氏貶是經有去氏見貶例故別之也明据上薨稱姜氏

以難貶易為貶注据薨于夷不貶疏其稱姜氏無貶文也與

弑公也注與慶父共弑閔公疏唐石經諸本同釋文作與弑

閔二年左傳云閔公之死也哀姜與知之穀梁傳其不言姜
 以其殺二公子貶之也按慶父弑二君止稱閔公者科舉其

一又以順傳弑公文為然則以為不於弑焉貶注据酈牙於

卒時貶疏毛本於誤與通義云難孫于邾婁稱姜氏意○注

稱弟殺也是即於其貶必於其重者莫重乎其以喪至也注

刑人于市與眾棄之故必於臣子集迎之時貶之所以明誅

得其罪因正王法所加臣子不得以夫人禮治其喪也貶置

氏者殺子差輕於殺夫別逆順也致者從書斃以常文錄之

言自齊者順上以歸文疏十行本脫其字校勘記云闕監毛

脫按閔二年疏引此傳云貶必於其重者亦有其字春秋正

辭云若仲遂卒于垂卒而削公子叔孫得臣卒卒而去其日

皆終事也無駭終其身不氏輩終隱之篇不稱公子以其見

於經罕矣意如執而致致而後去族其重者不可得貶絕則

因事以見之○注刑人至棄之○禮記王制文○注故必至

貶之○莊二十四年注禮夫人至大夫皆郊迎此夫人喪至

亦宜然何氏以理決之也○注所以至喪也○經韻樓集云

春秋之母弑者有二曰宋王姬曰魯哀姜王姬者生賦者也

故直書其罪哀姜者與於弑者也內大惡諱故書曰夫人氏之喪至自齊去其姜凡為母后者可以鑒矣故曰春秋成而亂臣賊子懼包氏慎言云哀姜為齊桓所殺齊不以為女也故不稱姜不以夫人禮治其喪王法所誅臣子不得徇私恩也按夫人者弑二君宜從誅絕科得罪宗社王法所正故臣子當以天子之法治之也傳疏云季子之逆慶父齊桓之討哀姜二義相違而皆善之者誅不辟親王者之道親親相隱古今通式然則齊桓之討哀姜得伯者之義季子之縱慶父因獄有所歸遂中親親之恩義各有途不可為難矣○注貶置不順也○謂去姜留氏也左疏引賈逵云殺子輕故但貶姜此決莊元年夫人孫于齊并姜氏絕去彼文姜殺夫視殺于罪尤重也舊疏云言別逆順者言殺夫之逆甚於殺于二事相對而言之不謂哀姜殺子為順也是以晉侯宋公殺世子皆直稱君而甚之也通義云貶去姓者使絕屬于齊明桓公之誅不為滅親與穀梁為齊桓諱殺同姓義近○注致者至錄之○上文書亮不書殺為常文故此書至自齊為順上常文書致與定元年書公之喪至自乾侯之文同也○注言自至歸文○上書齊人以歸故此順而書至自齊不言至自夷也

皇清經解續編卷千二百十六終

丹徒陳慶年參校
子汝恭校字

皇清經解續編卷千二百十七

南菁書院

公羊義疏二十九

何容陳立卓人著

僖二年
盡三年

二年春王正月城楚丘

杜云楚丘衛地邑漢書地理志山陽郡成武下有楚丘亭齊桓公所城遷

衛文公於此毛詩邶風序云定之方中美衛文公也衛為狄

所滅東徙渡河野處漕邑齊桓公攘戎狄而封之文公徙居

楚丘疏引鄭志張逸問楚宮今何地答曰楚丘在濟河間疑

在今東郡界中正義引杜預云楚丘在濟陰成武縣西南屬

濟陰郡猶在濟北故云濟河間也但漢之郡境已不同鄭疑

在東郡杜云濟陰也大事表云今為河南衛輝府之滑縣胡

氏潤禹貢雖指亦以為在滑縣東北又云衛地為丘頗多其

見於經傳者曰楚丘帝丘旄丘鐵丘取丘清丘廩丘敦丘皆

在濮水之濱桑土之野故經繫降丘宅土於桑田既露之下

說文丘土之高者廣雅小陵曰丘兗地最卑丘非山者當記

濫之時而其上猶可以居人大事表又云春秋有兩楚丘隱

七年楚丘在山東曹縣東南四十里本戎州己氏之地凡伯

過其地因劫略之杜注所謂濟陰成武縣西南者是也地界

于楚丘在滑縣東六十里於漢為白馬縣杜注春秋無明文而毛詩傳箋疏及水經注言之甚晰毛定之方中傳云虛漕虛也楚丘有堂邑鄭箋自河以東夷於濟水文公登漕之虛以望楚丘孔疏則云楚丘西有河東有濟水經注白馬濟有白馬城衛文公東徙渡河都之其不得混於成武彰彰矣隋開皇十六年同時置兩楚丘一則漢已氏縣以戎伐凡伯之楚丘而名為南楚丘一在漢白馬縣即桓公封衛者為北楚丘後以曹縣有楚丘因改名衛南縣通典白馬春秋衛國漕邑衛南衛國楚丘也元和郡縣志舊唐書所載並同宋子詩集傳亦云漕楚丘皆在滑州乃班固地理志於成武下則云齊桓公所城遷衛文公於此既混滑縣之楚丘於成武而文定說春秋十凡伯傳又云罪衛不救王臣之難又混成武之楚丘於滑縣蓋兩失之至熊過謂楚丘為魯地言城楚丘猶夫城向城郎因力辨桓公無封衛之事引僞子貢詩傳謂楚丘為魯風不惟與公羊之本交相悖并舉詩所稱楚宮楚室一概抹殺之豈非荒經蔑古之甚乎高江村辨楚丘甚明獨以宋亭晉侯于楚丘謂即衛地則不然宋都在歸德府睢州與滑縣之楚丘中間尚隔一開封府相去五六百里雖宋之邊不宜至是又云衛北遷帝丘隔達南鄙由是地緼于宋亦無明文不如景范所說戎州已氏地界曹宋間宋之楚丘與戎伐凡伯之楚丘為一差為近是也按閔二年衛為狄所滅遣民渡河立戴公以廬于漕至僖二年齊桓公封衛于楚丘

爲北楚巨顧氏分別甚詳而水經注濟水篇又云荷水分濟於定陶東北逕己氏縣又北逕景山又北逕楚丘城西郡國志曰成武縣有楚丘亭杜預云楚丘在成武縣西南衛懿公爲狄所滅衛文公東徙渡河野處漕邑齊桓公城楚丘以遷之故春秋稱邢遷如歸衛國忘亡卽詩所謂升彼虛矣以望楚矣望楚與堂景山與京故鄭元言觀其旁邑及山川也似亦誤以成武之楚丘當之矣

孰城注据內城不月故問之疏下十四年傳孰城之疏引此傳有之字宜据補校助記云

唐石經以下本皆脫○注据內至問之○隱七年夏城中丘襄十九年冬城西郭是皆內城不月也舊疏云其內城有在

日月下者皆不蒙日月城衛也曷爲不言城衛注据無遷文以言城固

當言城衛疏校勘記云解云舊本曷爲之下有不言二字今

爲不則本作曷爲城衛不言二字係磨改補入故此行及次

行皆十一字其蹟可復也疏本亦無不言二字十四年傳云

曷爲城祀亦無不言按以傳文考之亦當無不言二字傳云滅也正答所以城衛之故○注据無至城衛○舊疏云言以前之經未有遷衛于楚丘之文今此城之固當言城衛不應言城楚丘故難之固字亦有作故字者言由是之故當言城

衛校勘記云疏本故作固解云固難之固亦有作故字者諸
本作故難之固誤也按何氏當本用固字七年注云固因其
得禮著其能以衛通此注今本作故非按各本皆誤作故又
如注文似有不言二字意謂無遷文言城固宜言城衛也

滅也疏通義云故不言城衛起非故衛新衛又未遷也陳儀

按注意不言城遷而後城楚丘城而後遷文是以異也於緣陵亦然
衛因衛已滅也孰滅之蓋狄滅之注以上有狄入衛疏注以

入衛○即閏二年冬狄入衛是也因經止書益曷為不言狄滅

之為桓公諱也曷為為桓公諱上無天子下無方伯天下諸

侯有相滅亡者桓公不能救則桓公恥之也疏詩疏引樂稽

與衛戰桓公不救於其敗也然後救之宋均注云救謂使公

子無虧成之益當時狄勢正強桓公力未能敵故遷之楚丘

明畏避狄也是桓然則孰城之注據不出土名見桓公德優

不待之又不得書齊實諸侯也桓公城之曷為不言桓公城
之不與諸侯專封也疏殺梁傳曰則其不言城衛何也衛未

侯專封也其言城之者專辭也故非天子不得專封諸侯不
得專封諸侯雖通其仁以義而不與也故曰仁不勝道按彼
下不得益涉上不得誤行唐石經
已然也王氏引之經義述聞說
曷為不與實與而文不與

文曷為不與諸侯之義不得專封諸侯之義不得專封則其
曰實與之何上無天子下無方伯天下諸侯有相滅亡者力
能救之則救之可也注復發傳者君子樂道人之善也不繫

衛考明去衛而國楚丘起其遷也不書遷與救次者深為桓
公諱使若始時向倉卒有所救其後晏然無干戈之患所以

重其任而厚責之主書者起文從實也疏注復發至善也○

下已發傳此又發傳故解之也皆樂道人善之義與莊十二
年復發及者何累也傳義同通義云三城各異書者城邢承
上救邢之師城緣陵承上會城諸侯此文無所承方辟專封
故不目言其人矣蕭楚曰齊桓存三亡國封衛之功尤為彰
著衛人欲厚報之至形於篇詠當時歸其仁而遠人自是嚮
慕江人黃人來會于貫澤是也觀木瓜之什列于國風則是

聖人亦以為善矣於春秋獨沒其事實何也夫存亡繼絕建
 邦開國所謂作天下之福王人秉此以懷人心而承天命不
 可失者也君子不書於經俾讀春秋者如無其事焉所以示
 王道之存也若直曰狄人滅衛齊侯封衛于楚丘則為無王
 矣夫王天下者大柄有二曰威曰福二柄舉則天下治矣一
 有失焉不以淪亡則以敗亂下或擯之小則以伯大則以王
 然威之為用足以制人而已王政之末也福者積微以為用
 以晦而彰以柔而強及其至也威不足先王經世有賜諸侯
 也何謂福思惠是也何謂威甲兵是也先王經世有賜諸侯
 弓矢得專征伐之威未嘗與臣下得私恩惠之福故禮家施
 不及國者不與大夫作福於國也詩成諸侯專封者不與
 有國者得作福於天下也春秋間有執人之君已而釋之者
 滅人之國已而復之者力能執人之君滅人之國威亦大矣
 釋而不殺若復異其人社稷忠亦厚矣有威可畏有惠可
 懷此文王所以造周也若夫姦雄乘之必至吞弱兼小雖無
 商紂猶將睥睨神器故春秋書執人之君滅人之國者著其
 無王罪之也至恩惠之事諸侯擅之雖未足以傾周者削而
 不書冀後之君子觀其所書而知天下之所以亂索其所不
 書而知王之所以存莊子曰春秋經世先王之志聖人議而
 不辨此之謂也按孔氏此論正得春秋文不與之義○注不
 繫至遷也○決襄十年冬成鄭虎牢繫鄭也衛之始封在沫
 殷之故都也史記注引宋忠云康叔從康徙封衛衛即殷墟

定昌之地時由彼遷楚丘故書楚丘以起其遷也新序義
云衛懿公有臣曰宏演遠使未還狄人攻衛其民曰君之所
與祿位者鶴也所富者宮人也若使宮人與鶴戰予焉能戰
遂潰而去狄人追及懿公於焚澤殺之盡食其肉獨舍其肝
宏演至報使於肝畢呼天而號盡哀而止曰臣請為表因自
刺其腹納懿公之肝而死齊桓公聞之曰衛之亡也以無道
今有臣若此不可不存於是救衛於楚丘是其事也○注不
書至責之○決上元年書齊師宋師曹師次于緄北救邢下
云邢遷于陳儀也○注主書至責也○與上救邢稱師不稱
君同繁露滅國下云齊桓為幽之會衛不至桓怒而伐之狄
滅之桓憂而立之用心如此豈不伯哉
故以憂天下與之是亦文從實之義也

夏五月辛巳葬我小君哀姜疏包氏慎言云五月有辛巳月之

四月之十四日

哀姜者何莊公之夫人也注誅當絕不當以夫人禮書葬書

葬者正齊桓討賊辟責內讎齊疏注誅當至讎齊○上元年

姜是誅文也則此不合書葬見絕今此書葬所以辟責內讎
齊也隱十一年傳君哉不討不書葬以責臣子夫人理亦宜

然今若不書葬嫌為責魯臣子不討賊矣所以
不責魯臣子者為齊桓為魯討賊得其正故也

虞師晉師滅夏陽疏

左氏夏陽作下陽服本作夏陽古夏下同
部段借隸績斥彭長田君斷碑假印殺守

廣平夏曲陽令斥彭長洪云鉅鹿之四邑曰任曰廣平曰下

曲陽曰斥章碑以下為夏以章為彭是也水經何水往谿水

又東南逕夏陽縣故城南服虔曰夏陽號邑也在大陽東三

十里城南元和郡縣志下陽號邑在河東大陽縣東北二十里

今屬山西解州杜云下陽號邑在河東大陽縣本之服說水

經河水注又云竹書紀年晉獻公會虞師伐虢滅下陽虢公

醜奔衝獻公命瑕父呂甥邑于號都地理志北號也按北號

即西號也東號滅于鄭在平王時左傳隱元年制巖邑也虢

叔死焉是也閻氏若璩釋地云杜注虞國在河東大陽縣余

謂山西之平陸縣也號西號國宏農陝縣東南有號城余謂

河南之陝州也名雖二省而界相連裴駢引賈逵注云虞在

晉南號在虞南一言之下而形勢瞭然爾時為晉獻公十九

年正都于絳絳在太平縣之南絳州之北土人至今呼故晉

城遺址宛然大事表云今解州平陸縣東北四十里有古虞
城在大河之北今大陽廢縣在解州平陸縣東五十里又東
北三十里為故下陽城則下陽為號河北地號界跨有河南
也北

虞微國也曷為序乎大國之上注据稱師有加文知不主會

疏下五年注虞稱公者奪正爵則公非本爵圻內國稱子故知虞微國也○注据稱至主會○隱五年傳將卑師眾稱

師為大國例今虞微國稱師故為加文也又隱五年邾婁人鄭人伐宋注邾婁小國序上者主會也此既稱師知與彼殊

不主會矣既不主會而使虞首惡也疏後漢書梁商傳春秋在大國之上故据以難使虞首惡也疏之義功在元帥罪止

首惡故賞不備溢刑不淫溢五帝三王所以同致康乂也穀梁傳虞無師其曰師何也以其先晉不可以不言師也其先

晉何也為主乎滅夏陽左傳曰先書虞賄故曷為使虞首惡也漢書孫寶傳云春秋之義誅首惡而已

注据楚人巴人滅庸不使巴首惡疏六年楚人秦人巴人滅庸是也彼經有秦人注不言之者秦

楚等巴為小國故止舉巴為難也虞受賂假滅國者道以取亡焉疏繁露王道云虞公貪財不顧其難快耳說目受晉

稷不祀身死不葬貪財之所致也故春秋以此見物不空來實不虛出自內出者無匹不行自外至者無主不止此其應

也其受賂奈何獻公朝諸大夫而問焉曰寡人夜者寢而不

寐疏

說文六部寐臥也藥傳寐之言迷也不明之意詩小雅小宛云明發不寐又云夙興夜寐是也繁露服制象云

虞有宮之奇而獻公為之不寐僕書辛慶忌其意也何諸大傳何武上封事曰虞有宮之奇晉獻不寐

夫有進對者曰寢不安與其諸侍御有不在側者與獻公不

應疏

通義云此與晉語卻叔虎對翟荀息進曰虞郭見與注祖之氛蓋一事而傳者異耳

猶曰虞郭豈見於君之心乎荀息素知獻公欲伐此二國故

云爾疏

釋文郭音號又如字左氏孟子子作號通繁露滅國上云虞號并力晉獻難之新序九云虞號皆小國也虞

有夏陽之阻塞虞號共守之晉不能禽也是晉獻久有滅二國意荀息探之故曰虞號見於君之心也

而進之注

以手通指曰揖疏注以手至曰揖○禮鄉飲酒禮賓揖介注推手曰揖楚辭大招

隱揖辭讓注上手為揖淮南道應訓子佩疏揖北而立于殿

下注揖舉手也廣雅釋詁揖進也即以手通指之義說文手

部揖攘也即周禮大祝疏所謂推手曰揖也說文又曰一日

進也推手曰揖引遂與之入而謀曰吾欲攻郭則虞救之攻

手曰獻下手曰撻

虞則郭救之如之何願與子慮之荀息對曰君若用臣之謀

則今日取郭而明日取虞爾君何憂焉疏經傳釋詞云爾猶矣也詩噫嘻既昭

假爾箋噫嘻乎能成周王之功其德已著至矣是也與爾同義又宣十五年傳盡此不勝將去而歸爾亦矣義獻

公曰然則奈何荀息曰請以屈產之乘注屈產出名馬之地

乘備駟也疏注屈產至之地○舊疏云謂屈產為地名不似

乘趙注屈產地名馬所生與何氏同閻氏若璩釋地云通與

慈州文城郡今理吉昌縣春秋時晉之屈邑獻公予夷吾所

居漢河東北屈縣左傳云晉有屈產之乘此有駿馬與劉昭

注後漢志同余謂今山西吉州是樂史傳會為石樓縣但石

樓乃漢西河上軍縣非北屈縣大事表云今為山西吉州

治東北二十一里有北屈廢縣為晉北屈邑即夷吾所居之

屈也按傳二五言於公曰秋之廣莫干晉為都則知蒲屈向

皆狄地也按周禮大宗伯以天產作陰德注天產者動物謂

六牲之屬此服氏所本然屈產曲棘並稱似屈產為地與垂

棘之白壁注

垂棘出美玉之地玉以尙白為美疏注垂棘至

文棘一本作蕪孟子又云晉人以垂棘之璧注垂棘美玉所
出地名按垂棘又見成五年杜云晉地○注玉以至為美○
疏考武氏億經讀考異云舊讀從璧字絕句
往必可得也疏考此當以字屬上為句必可得也又

為一讀據傳下文讀終以在又於是終以在並從往字屬句
知此亦當依往字讀為正新序善謀云故晉獻公欲伐虞虢
荀息曰胡不以屈產之乘與垂棘之璧假道於虞韓非子言
過云荀息曰君其以垂棘之璧與屈產之乘賂虞公求假道

焉必假我道凌氏廷堪禮經釋例云呂氏春秋慎大覽權動
篇晉獻公乃使荀息以屈產之乘為庭實而加以垂棘之璧
以假道于虞而伐虢是晉人聘虞享時束帛所加之璧為垂

棘之璧庭實所設之馬為屈產之乘言其良也三傳及孟子
皆有此文而何休范甯杜預趙岐不知引享禮以釋之疏矣
則寶出之內藏藏之外府注
如虞可得猶外府藏也疏注如虞至藏也○舊疏云本藏下

也馬出之內廢繫之外廢爾君何喪焉疏喪猶失也猶言何
君曰垂棘之璧吾先君之寶也屈產之乘寡人之駿馬也若
受吾幣不假之道將奈何荀息曰彼不假我道必不敢受我

幣若受我幣而假我道則是寶猶取之內府而藏之外府也
馬猶取之內廢而著之外廢也君勿憂穀梁傳晉獻公欲伐

魏荀息曰君何不以屈產之乘垂棘之璧而借道於虞也公曰此晉國之寶也如受吾幣而不借吾道如之何荀息曰此小國之所以事大國也彼不借吾道必不敢受吾幣如受吾幣而借吾道則是我取之中府而藏之外府取之中府而幣之外府也新序又云此晉國之寶也彼受吾璧不借吾道則如之何荀息曰此小之所以事大國也彼不借吾道必不敢受吾幣受吾幣而借吾道則是我取之中府而藏之外府取之中府而幣之外府取之中府置之外府較此傳為詳獻公曰諾雖然

宮之奇存焉如之何

疏賢臣左傳又曰公曰宮之奇存焉繁

露滅國上云虞公託其國於宮之奇晉獻忠之是也說苑尊賢云虞有宮之奇晉獻公為之終夜不寐新序又云公曰宮之奇存焉必不使受也穀梁傳公曰宮之奇存焉必不使受之也荀息曰宮之奇知則知矣

注君欲言其知實知也

疏新序又云荀息曰宮之奇知固知矣雖然其為人也通心而懦又少

長於君通心則其言之略懦則不能強諫少長於君則君輕之穀梁傳曰荀息曰宮之奇之為人達心而懦又少長於君達心則其言略懦則不能強諫少長於君則君輕之左傳曰宮之奇之為人達心而懦不能強諫且少長於君君輕之雖諫將不聽○注君欲至知也○何意以上知就為獻公雖然語目之也言君謂其知誠知也若曰雖知亦徒知爾

虞公貪而好寶見寶必不從其言疏新序又云且夫玩好在耳目之前而患在一國

之後中知以上乃能慮之臣料虞君中知以下也穀梁傳且夫玩好在耳目之前而患在一國之後此中知以上乃能慮

之臣料虞君請終以往於是終以往疏下二十四年左傳注中知以下也

通終以往也即虞公見寶許諾疏韓非子又云虞公貪利宮之已以往也

奇果諫記曰唇亡則齒寒注記史記也疏下五年左傳云諺所謂輔車相依唇

亡齒寒者其虞虢之謂也新序又云公遂借道而伐虢宮之奇諫曰晉之使者其幣重其辭卑必不便於虞語曰唇亡則

齒寒矣戰國策趙策曰唇竭而齒寒高注揭猶反也呂覽權勳篇淮南說林訓皆作唇竭而齒寒高注竭亡也按國策之

揭即竭之假借也穀梁傳宮之奇諫曰唇亡則齒寒其虞郭斯之謂與挈其妻子以奔曹注記史記也

之相救非相為賜注賜猶惠也疏新序又云故虞虢之相救非相為賜也下五年穀梁

傳云虞虢之相救非相為賜也注賜猶惠也疏則晉今日說文貝部賜于也玉篇賜施也施于皆有惠義

取郭而明日虞從而亡齊君請勿許也疏下五年左傳云虢虞之表也虢亡虞

必從之又云將虢是滅何愛於虞又穀梁傳云今日亡虢而明日亡虞矣新序同韓非子云宮之奇諫曰不可許夫虞之有虢也如車之有輔輔依車車亦依輔虞虢之勢正若是矣若假之道則虢朝亡而虞夕從之矣不可願勿許虞公

不從其言終假之道以取郭注明郭非虞不滅虞當坐滅人

疏繁露王道云晉假道於虞虞公許之宮之奇諫曰唇亡齒

故春秋明此存亡道可觀也左傳云虞公許之且請先伐虢

宮之奇諫不聽遂起師夏晉里克帥師會虞師伐虢滅下陽

水經河水篇河水又東沙澗水注之注北出虞山東南運傳

廢傳巖東北十餘里即巖輪阪也春秋左傳所謂人白巖輪

者也東有虞城周武王以封太伯後虞仲於此是為虞公太

原地記所謂北虞也一統志吳山在解州安邑縣東南三十

二里跨夏縣平陸縣界一名虞山一名虞阪晉假道于虞即

此路○注明郭至滅人○舊疏云欲道序虞于晉上令其首

惡之義也按上傳云使虞還四年反取虞注還復往故言反

首惡也故使虞坐滅人

疏新序云公不聽遂受其幣而借之道旋歸四年反取虞穀

梁傳獻公亡虢五年而後舉虞並與此同左傳以滅虢在

信五年彼下傳云晉侯復假道于虞以伐虢宮之奇以其族

行曰虞不臘矣在此行也晉不更舉矣又云冬十二月丙子

朔晉滅虢虢公隗奔京師師還館于虞遂襲虞滅之執虞公是彼以虞虢同時滅也史記注引賈逵云虞在晉南虢在虞南故反取虞也○注還復至言反○舊疏虞公抱寶牽馬而云言晉人滅郭還歸其四年反往滅虞也

至疏釋文云牽荀息曰臣之謀何如獻公曰子之謀則已行矣寶則吾寶也雖然吾馬之齒亦已長矣疏新序云荀息牽

臣之謀何如獻公曰璧則猶是而吾馬之齒加長矣韓非子云荀息牽馬操璧而報獻公獻公說曰璧則猶是也雖然馬齒亦益長矣史記晉世家荀息牽嬖所遺屈產之乘馬奉之獻公獻公笑曰馬則吾馬齒亦老矣穀梁傳乃牽馬操璧曰璧則猶是馬齒長矣按禮記曲禮云齒路馬者有誅蓋齒者年數也周禮校人先鄭注云二歲曰駒三歲曰騏說文齒部

齒之計故云馬齒長也蓋戲之也注以馬齒長戲之喻荀息之年老傳極道此者以終荀息宮之奇言且以為戒又惡獻公不仁以滅人為戲謔也晉至此乃見者著晉楚俱大國後

治同姓也以滅人見義者比楚先治大惡親疏之別疏注傳

極至

為戒○新序云晉獻公用荀息之謀而禽虞虞不用宮之奇
謀而亡故荀息非霸王之佐戰國并兼之臣也若宮之奇則
可謂忠臣之謀也後漢書曹節傳虞公抱寶奉馬魯昭見逐
乾侯以不用宮之奇子家駒以至滅辱○注又惡至諫也○
後漢書馮衍傳顯志賦云善忠信之救時兮惡詐謀之妄作
聘中叔於陳蔡兮禽荀息於虞號謂惡荀息之詐謀宜就禽
也○注晉至至姓也○舊疏云卽莊十年刑敗蔡師于莘以
蔡侯獻舞歸是先書楚小惡而治之也以前不見晉小惡者
後治同姓故也通義云晉亦同姓大國獨後見者曲沃武公
弑翼君而盜晉國王法所誅絕春秋書之不正則傷教正之
則觸大惡嫌文公無君晉國道方將撥亂序績子文公為霸
主因是有所諱避故武公之事一切不書繼自所問之世始
錄晉也義或然也○注以滅至之別○舊疏云以前楚滅穀
鄧不書而先書此晉滅夏陽者先治同姓之大惡欲見骨肉
之親大則誅小則隱故言親疏之別耳春秋夏陽者何郭之
於外大惡書小惡不書滅人大惡故不諱也夏陽者何郭之
邑也曷為不繫于郭國之也曷為國之君存焉爾疏通義云
年曰獻公會虞師伐郭滅夏陽郭公醜奔衛是郭君在夏陽
之徵也邑而言滅又不更言滅郭者重夏陽也穀梁傳曰夏
陽者何虞郭之塞邑也滅夏陽而虞郭舉矣惠氏土奇春秋
說云下陽統邑當書虞師晉師伐虢取下陽直書滅者國之

也曷為國之說公在焉此公羊之說趙匡駁之曰君在外邑
 聞兵至而歸國亦事之常何得稱滅若君在下陽受兵則何
 得不見擒乎此趙匡之臆說也紀年惠王十九年晉獻公會
 虞師伐虢滅夏陽虢公醜奔衛則公羊之說信矣且僖五年
 晉滅虢虢公醜奔京師亦未聞見擒於晉也按公羊以是年
 滅夏陽即虢已滅與左傳以滅虢在後四年者異趙匡不知
 經師家法据左氏
 說公羊故妄駁耳

秋九月齊侯宋公江人黃人盟于貫澤疏釋文貫澤古亂反二傳無澤字趙氏坦異

文箋云按公羊經本無澤字故公羊疏於僖九年傳貫澤之
 會下解云即上二年秋九月齊侯宋公江人黃人盟于貫是
 也此言于貫澤者蓋地有二名疏說如此陸德明所据本有
 澤字故云二傳無澤字然則在唐時公羊已有二本不同有
 澤者或衍文杜云貫宋地梁國蒙縣西北有貫城貫與貫字
 相似釋例引或曰齊有貫澤公羊曰貫澤之會水經汲水篇
 汲水又東經貫城南俗謂之薄城非也闕駟十三州志以為
 貫城也在蒙縣西北春秋僖公二年齊侯宋公江黃盟于貫
 杜預以為貫也貫貫字相似貫在齊謂貫澤也是矣大事表
 云在今山東曹州府曹縣西南十里一統志蒙澤故城在曹
 州府曹縣南十里即古貫地括地志貫城今名蒙澤縣城與
 今歸德府巨縣接界杜又云江國在汝南安陽縣又桓八年

杜注云黃國今弋陽縣大事表云江在今河南汝甯府真陽縣東黃在今河南汝甯府光州西十二里有黃城爲黃國地水經淮水篇淮水又徑安陽縣故城南江國也嬴姓矣今其地有江亭春秋文四年楚人滅江又云柴水又東經黃城西漢書地理志汝南郡安陽下云侯國應劭曰弋山在西北故黃國今黃城是是又弋陽下云侯國應劭曰弋山在西北故黃國今黃城是

江人黃人者何遠國之辭也注桓公德盛不謙使微者知以

遠國辭稱人疏穀梁傳亦云江人黃人遠國之辭也○注桓

務也江黃小國知宜是君不謙使微者也左傳疏引賈云江

人黃人刺不度德善鄰恃齊背楚終爲楚所滅其意雖異皆

以江人黃人爲國君親至遠國至矣則中國曷爲獨言齊宋至爾大國言

齊宋遠國言江黃則以其餘爲莫故不至也注晉大于宋不

序晉而序宋者時實晉楚之君不至君子成人之美故褒益

以爲徧至之辭所以獎夫霸功而勉盛德也江黃附從霸者

當進不進者方爲徧至之辭疏穀梁傳亦曰中國稱齊宋遠

國稱江黃以爲諸侯皆來至

也繁露精華云其後二十年間尚未能大合諸侯也至於救
 邢衛之事見存亡繼絕之義而明年遠國之君畢至貫澤陽
 穀之會是也故曰親近者不以言召遠者不以使此其效也
 新序四云為陽穀之會貫澤之盟遠國皆來謂此○注晉大
 至德也○校勘記引孫志祖云穀梁疏引二晉字下皆有楚
 字乃與下文合各本脫也又云所以獎夫伯功鄂本夫作大
 穀梁疏正作大按各本皆誤夫宜据正君子成人之美論語
 顏淵篇又穀梁隱元年傳春秋成人之美不成人之惡說苑
 君道篇善乎哉君子成人之美不成人之惡微孔子焉得聞
 哉按論語之君子孔子自謂哀十四年傳君子焉為春秋
 是也下九年左傳云宰孔先歸遇晉侯曰可無會矣是葵丘
 之前晉皆不與會楚自熊通僭王後不服王化故下四年伐
 楚明不與齊桓會矣春秋成人之美晉楚雖不至亦作偏至
 之辭也○注江黃至之辭○舊疏云怪其不稱齊言方為偏
 至之辭者故直以遠國辭稱人若進而稱齊無以見偏至之
 義通義云此盟會之詭例也貫澤陽設遠國悉至桓公之會
 最盛欲偏書之則春秋例不錄微國故直舉江黃極遠者包
 之而已其中國常會之君亦不書者列言某侯而殺江黃于
 末則嫌中國之外僅有江黃無以見偏至之實故亦舉齊未
 以包之蓋宋大國尊爵必不數從伯主獨會二國之微者故
 其事得以相起也以左氏攷之惡曹之盟宋亦與矣而經不
 書蜀之盟蔡許之君在矣而經不書屈黎之次經唯楚蔡而

傳有宋公陳侯鄭伯糜子黃池之會經唯晉矣而傳有單平公則春秋於諸侯之會不偏敘者皆有特義非獨此矣且左傳曰江黃道柏方睦于齊皆弦姻也經唯見江黃而茲道柏事齊無文豈非以微國故不得盡錄與

冬十月不雨

何以書記異也注說與前同疏通義云月者時獨十月備月不雨為異十一月十二月仍

有一時不雨耳杜預云一時不雨則書者月非也莊公之篤固與前同○謂莊三十一年冬不雨也彼傳云何以書記異也

注云京房易傳曰旱異者旱久而不害物也斯祿去公室福由下作故陽雖不施而陰道獨行以成萬物也先是比築三

臺慶牙專政之應此不言所應舊疏云今此亦是倍公喜於得立委任陪臣不恤政事故有此罰耳故云說與前同按漢

書五行志云釐公二年冬十月不雨三年春正月不雨夏四

月不雨六月雨先是嚴公夫人與公子慶父淫而殺二君國

人攻之夫人孫于邾慶父奔莒釐公即位南敗邾東敗莒獲

其大夫有炕陽之應與按何義旱久不害物同前耳所應不必與前同詳下三年注

楚人侵鄭

三年春王正月不雨

夏四月不雨

何以書記異也注太平一月不雨即書春秋亂世一月不雨

未害物未足為異當滿一時乃書一月書者時僖公得立欣

喜不恤庶眾比致三旱即能退辟正殿飭過求已循省百官

放佞臣郭都等理冤獄四百餘人精誠感天不雩而得澍雨

故一月即書善其應變改政旱不從上發傳者著人事之備

積於是疏以象施不由上出臣下作福而私自成一曰不雨

近常陰之罰臣弱也正莊三十一注祿去公室福由下作

之義注亦宜云說與前同從不言可知何也注太平至即

書注舊疏云太平之時陰陽和調若一月不雨足以為異正

以僖公能善變改正故從太平例一月不雨即書也注春

秋至乃書注莊三十一年冬不雨是也注一月至三旱

即上二年冬十月不雨本年春王正月不雨此夏四月不雨

是也類聚引考異郵云旱之為言悍也陽驕蹇所致也晉書
袁甫傳志盈心滿川長歡娛公羊有言魯僖甚說故致旱○
注卽能至樹雨○舊疏云皆感情符文後漢書注引考異郵
云僖公三年春夏不雨於是僖公憂問元服避舍率羣臣禱
山川以六過自責細女謁放下說伎郭都等十三人誅傾人
之史受貨賂趙祝等九人釋吏繇之逋罷軍寇之誅去苛刻
峻父慘毒之教所蠲浮會四十五事曰方今大旱野無生稼
寡人當死百姓何罪不敢煩民請命願撫萬民以身蹇無狀
禱已舍齊南郊兩大樹也較感精符文為詳後漢書黃瓊傳
云黃瓊上疏曰昔魯僖遇旱以六事自讓躬節儉避女謁放
讓伎者十三人誅稅民受貨賂者九人退舍南郊天立大雨
又郎頰傳引易內傳曰人君奢侈多飾宮室其時旱其災火
是故魯僖遭旱修政自飭下鐘鼓之縣休繕治之官雖則不
甯而時雨自降由此言之天之應人敏于景響又周舉傳云
魯僖遭旱而自責祈雨皆以精誠轉禍為福皆本公羊為說
也○注故一至收政○舊疏云卽去年十月不雨今年正月
不雨夏四月不雨是也皆一月不雨書也穀梁傳一時不言
雨者閏雨也閏雨者有志於民者也與此異○注旱不至於
是○舊疏云卽上二年十月不雨之下已發云何以書記異
也今不從其例而又發之者欲著人事之備積於是故也

徐人取舒

疏

文邑部徐國在下邳僮縣東南舒國今廬江舒縣說

皇清經解續編

公羊義疏二十九

七

邾我卽周禮注所云伯禽以王師征邾戎今尙書作徐夷徐戎許所據作邾邾在魯東則邾在魯東矣書序徐夷並與東邾不闕昭元年周有徐奄徐蓋徐戎也邾習於夷故左傳曰邾又夷也說文又云邾地名玉篇引春秋徐人取邾紀要舒今廬州府舒城縣按杜謂在下邳者近魯東與徐戎自別爲一然去舒俱遠且楚人敗徐于婁林似亦不得到此也地理志臨淮郡徐下云故國盈姓至春秋時徐子章禹奔楚似爲近之

其言取之何注據國言滅疏注據國言滅○卽莊十年十年十易

也注易者猶無守禦之備不爲桓諱者刺其不救也疏注易

之備○鹽鐵論險固云關梁者邦國之固而山川社稷之寶也徐人取舒春秋謂之取惡其無備得物之易也故君子爲

國必有不可犯之難易曰重門擊柝以待暴客言備之素修也又云阻險不如阻義昔湯以七十里爲政於天下舒以百

里亡於敵國此其所以見惡也按古險與易多對舉故禮記儒行云道途不爭險易之利詩周頌大雩云彼祖矣岐有夷

之行傳夷易也是也○注不爲至救也○舊疏云決上元年二年秋滅邾衛皆爲桓公諱不書其滅也劉氏逢祿解詁箋

云此外狄滅衛諱滅言入正爲桓公諱傳順經諱文解詁失

之按人者得而不居之謂故爲滅諱辭此明書取不得仍爲

諱文傳言易責舒之無守備也桓寬論之得矣通義云魯頌曰戎狄是膺荆舒是懲皆詠僖公從齊桓征伐之事懲荆者召陵是也懲舒者疑此取舒是也蓋徐人爲中國取也其下章曰遂荒徐宅言乎徐人之服從中國也徐卽費誓所云徐戎者於春秋例稱國此獨稱人明爲其附從霸者進之按孔說未然詩辭多溢美不必強合

六月雨

其言六月雨何

注据上得雨不書疏

注据上至不書○舊疏云卽上二年十一月十

二月三年二月三月五月之屬皆不書不雨是其得雨故也

上雨而不甚也

注所以詳錄

賢君精誠之應也僖公飭過求己六月樹雨宣公復古行中

其年穀大豐明天人相與報應之際不可不察其意疏注所

應也○穀梁傳曰雨云者喜雨也喜雨者有志乎民者也○注宣公至大豐○舊疏云謂宣十五年年初稅畝其冬緣生宣

公受過變寤明年復古行中十六年冬大有年是也○注明天至其意○繁露必仁且知云謹案災異以見天意天意有

欲也有不欲也所欲所不欲者人內以自省宜有懲於心外以觀其事宜有驗於國故見天意者之於災異也畏之而不

惡也。以為天欲振吾過，教吾失，故以此報我也。春秋之法，上變古易常，應是而有天災者，為幸國。孔子曰：天之所幸，有為不善而屢極。楚莊王以天不見災地，不見孽，則禱于山川曰：天其將亡予耶？不說無過極，無罪也。以此觀之，天災之應過而至也，異之顯明可畏也。此乃天之所欲救也。春秋之所獨幸也。莊王所以禱而請也。聖主賢君，尚樂受忠臣之諫，而況受天譴也。舊疏云：謂人行德，天報之福人。行惡，天報之禍。兩令相及，故言之際矣。

秋齊侯宋公江人黃人會于陽穀疏

杜云陽穀齊地在東平須昌縣北大事表云今兗州

府陽穀縣東北三十里陽穀故城是也。縣治南有會盟臺，即齊桓公會江黃處。水經注：濟水篇又北過穀城縣，西魏土地記曰：縣有穀城，山山出文石。陽穀之地，春秋齊侯宋公會于陽穀者也。一統志：陽穀故城在兗州府陽穀縣東北三十里。此大會也。曷為末言爾？注末者淺耳，但言會不言盟，據賈澤

言盟疏

大戴保傅篇齊桓公得管仲九合諸侯一匡天下再為義疏云上二年齊侯宋公江人黃人盟于賈澤傳曰大

國言齊宋遠國言江黃則以其餘為莫敢不至也。此經亦書齊侯宋公江人黃人故弟子言此大會也。以難之。○注末者淺耳。○原文闕。○注但言至言盟。○上賈澤亦大會言盟此

不言盟但言會桓公曰無障谷注無障斷川谷專水利也水故為未言之也

注川曰谿注谿曰谷疏防趙注無障至利也○孟子告子下無曲

防禁也管子大匡篇霸形篇並言無曲隄謂曲設隄防以障

下九年穀梁傳曰毋壅泉注云專水利以障谷是以此傳之

障谷解壅泉也閻氏若璩釋地續云漢賈讓奏言蓋隄防之

作近起戰國雍防百川各以自利齊與趙魏以河為竟趙魏

瀕山齊地卑下作隄去河二十五里則是河水西抵趙魏隄亦東泛

趙魏亦為隄去河二十五里則是河水西抵趙魏隄亦東泛

齊矣夫曰近起戰國豈非葵丘既會申明天子之禁諸侯猶

有所憚而不敢為至七雄地大勢專人人得自為縣而不難

以鄰國為壑也宋氏翔鳳四書釋地辨證云管子霸形篇楚

人攻宋鄭要宋田夾塞兩川使水不得東流東山之西水深

滅境尹知章注楚人又遮取宋田夾兩川築隄而壅塞之又

云桓公與楚王遇於召陵之上而令於遇上曰無貯粟無曲隄又云東發宋田夾兩川而楚不敢塞也按此乃壅塞水流使鄰無灌田之利當時楚人實有是事左傳國語所不載而管子載之其事專以病鄰非以隄防治水之比故公羊僖三年曰無障谷穀梁僖九年曰無雍泉蓋塞水不東害同退糴日障曰雍形容利害較曲防二字更切若治水禁用隄防則

公羊義疏二十九

桓公即壅遏入流者何善為他人計而不善自為計若此也
按宋氏此說於何氏專水利之義尤為明顯○注水注至日
谷○爾雅釋水文舊疏引李巡注云水出於山入於川為谿
也又釋山云山嶺無所通谿彼謂不通之谿此則通水之谿
也說文泉出通川為谷舊疏引李巡又云水相屬為谷雅疏
引李又云谷者屬也水流相屬灌注也郭注云此皆道水轉
相灌注所入之處名道德經云江海所以能為百谷王者以
其善下也谷為眾谿所注名江海集百川故為百谷王也

無貯粟注有無當相通疏也趙注云無過糴即此之無貯粟
也下九年穀梁傳作毋訖糴注訖止也謂貯粟亦以此傳釋

彼傳也漢書食貨志云夫積貯者天下之大命也史記貨殖
傳積蓄之理亦或作儲地官廩人注謂貨物

儲藏于市中○注有無當相通○原文闕無易樹子注樹

立本正辭無易本正當立之子疏注樹立至之子○孟子又

立世子不得擅易也下九年穀梁傳毋易樹子注樹子嫡子

樹即說文之倝人部倝立也从人豆聲讀若樹莊子道遊

篇猶未有樹也荀子議兵篇固塞不樹皆立義方言云樹植

立也燕之外朝鮮洌水之間凡言置立者謂之樹植本正當

立之子即隱元年傳曰立適以長不以賢立子以貴不以長
者也閔二年左傳曰從曰撫軍守曰監國古之制也是也

無以妾為妻注此四者皆時人所患時桓公功德隆盛諸侯

咸曰無言不從曷為用盟哉故告誓而已疏孟子亦有此文

為嬌也注此四至所患○繁露王道云桓公曰無貶粟無

鄂谷無易樹子無以妾為妻此春秋之救文以質也衰周文

盪時人喜文厭質故春秋備紀桓公大會所以救時弊也○

注時盛至而已○穀梁傳曰陽穀之會桓公委端摺笏而朝

諸侯請侯皆論平桓公之志語與此義同唯孟子據葵丘之

會為異耳○翟氏顛四書攷異云春秋僖公九年九月戊辰諸

侯盟于葵丘左傳齊侯盟諸侯于葵丘曰凡我同盟之人既

盟之後言歸于好穀梁傳葵丘之盟陳牲而不殺讀書加于

牲○上壹明天子之禁曰非棄泉毋訖羅野易樹子毋以妾為

妻毋使婦人與國事管子大匡篇桓公問管子何行對曰公

內修政而勸民可以信於諸侯矣公許諾乃弛關市之征為

賦祿之制既已管仲請曰問病臣願賞而無罰五年諸侯可

令傳公曰諾既行之又請曰諸侯之君有行事善者以重幣

質之諸侯之臣有諫其君而善者以璽問之以信其言公既

行之問管仲曰將何行對曰君教諸侯為民聚食諸侯之兵

不足者君助之發如此則始可加之政矣公既行之又問管

仲何行對曰君會其君臣父子公日會之道奈何曰諸侯無

專立妾以為妻毋專殺大夫毋國勞毋專子疏庶人無專

公羊疏二十九

棄妻毋曲防毋貶粟毋禁材行此卒歲則始可以加政矣君乃
 布之於諸侯諸侯許諾受而行之管仲曰可以加政矣日從
 今以往三年嫡子不聞孝不聞愛其弟不聞敬老國良三者
 無一焉可誅也諸侯之臣及國事三年不聞善可罰也君有
 過大夫不諫士庶人有善而大夫不進可罰也桓公受而行
 之近侯莫不請事兵車之會六乘車之會三官國四十有二
 年又霸形篇與楚王遇于召陵之上而令之日毋貶粟毋曲
 隄毋擅廢適子無置妾為妻按春秋三傳無如孟子之詳管
 子大匡篇雖其文參錯而事語實相當其云適子不聞孝者
 誅即誅不孝也云君有善者以幣賀之臣有善者以重問之
 即尊賢育才以彰有德也云不愛其弟敬老國良者誅即敬
 老慈幼也云弛關市之征及問病臣即無忘賓旅也云為賦
 祿之制即士無世官官事無攝也云士庶人有善不進者罰
 即取士必得也云無國勞無專子祿即無有封而不告也餘
 如無易樹子無以妾為妻無專殺大夫無曲防無過羅更較
 然矣按此云會正與孟子所謂束牲載書而不歃血合下九
 年葵丘有盟則桓公誓諸侯事當在陽穀之會也

冬公子友如齊莅盟說

穀梁作公子季友左傳莅作位

莅盟者何往盟乎彼也注猶曰往盟於齊莅臨也時因齊都

盟主國主名不出者春秋王魯故言莅以見王義使若王者

遣使臨請侯盟飭以法度疏住猶曰至於齊○毛本於改于

也與位同說文有隸無莅鄭注儀禮讀位為莅蓋隸之隸

變也穀梁傳位也又昭七年傳位也周禮駘師注故

書位為位杜子春云位當為位書亦或為位又通作立鄉師

司市大宗伯注並云故書位作立鄭司農讀立俱為位訓為

臨視也與爾雅釋詁位視也亦合說文訓隸為臨與此通禮

士冠禮及禮記文王世子位皆作莅皆即隸字大宗伯

住古者立位同字則又隸之段借也○注時因至法度○校

勘記出時國齊都盟云閔監毛本同誤也鄂本國作因當據

正通義云謹案往盟曰臨尊內辭也位其言來盟者何來盟

盟例時為內明義當以至信先天下

于我也注此亦因魯都以見王義使若來之京師盟白事于

王不加莅者來就魯魯已尊矣疏舊疏云即文十五年宋司

使孫良夫來盟之屬是也按此皆來盟之見經者此因莅盟

而言及之耳○住此亦至于王○桓十四年鄭伯使其弟語

來盟注莅盟來盟例皆時從內為王義明王者當以至信先

天下按四年楚屈完來盟于師傳其言來何與桓為主也

注以從內文知與桓公為天下新主是亦尊桓故抑楚言來也
就師盟蓋亦若白事於桓然○注不加至尊矣○舊疏云正
以上經言莅者見尊魯為王之義今此來盟者已是就魯
之文足見尊魯矣何勞言莅以見之乎若其加莅宜直云莅
孫良夫盟也

楚人伐鄭

皇清經解續編卷千二百十七終

丹徒陳慶年參校
于汝恭校字

皇清經解續編卷千二百十八

南菁書院

公羊義疏三十

句容陳立卓人著

僖四年
盡八年

四年春王正月公會齊侯宋公陳侯衛侯鄭伯許男曹伯侵蔡
蔡潰

潰者何下叛上也國曰潰邑曰叛注不與諸侯潰之爲文重

出蔡者侵爲加蔡舉潰爲惡蔡錄義各異也月者善義兵也

潰例月叛例時疏文三年左傳凡民逃其上曰潰與此下叛

上曰潰也荀子疆國云如是下比周賁潰以離上矣楊注凡

民逃其上曰潰漢書食貨志云下逃其上曰潰杜云潰散

沈移若積水之潰自壞之象也漢書注引賈逵云舉國曰潰

一邑曰叛正用公羊義國曰潰者文三年沈潰成九年莒潰
之屬是也邑曰叛者襄二十六年奔衛孫林父入于戚以叛定
十三年秋晉趙鞅入于晉陽以叛冬晉荀寅士吉射入于朝

歌以叛之屬是也。注不與至異也。○孔本與作以穀梁傳
潰之為言上下不相得侵蔡淺事也。然則侵蔡而蔡即潰其
君民不得可知。故書以惡之也。○注月者善義兵。○舊疏云
正以侵伐例時故也。穀梁專委蔡而蔡即潰其
矣。不土其地不分其民。明正也。故為義。○注經書正月文三年沈
潰者月罪潰之者日。○注潰例月。○此經書正月文三年沈
潰書正月是也。成九年書庚申葛潰。注云日者錄責中國無
信同盟不能相救。至為夷狄所潰是也。○注叛例時。○即晉
趙鞅書秋荀
寅書冬是也。

遂伐楚次于陘疏

杜云陘楚地潁川召陵縣南有陘亭大事表

亦有陘山在縣南三十里蓋陘塞綿亘甚遠蘇秦說楚曰北
有汾陘說韓曰南有陘山蓋二國皆恃此為險在楚為北塞
在韓為南塞也。楚世家作陘山括地志山在鄭州西南一百
一十里方輿紀要陘山在開封府新鄭縣南三十里史記魏
襄王十六年伐楚敗之陘山又秦攻陘使人馳南陽之地徐
廣曰陘山絕之名今自陘山而西南達於襄鄧皆羣山綿亘
故昔以陘山為南北之險沈氏欽韓左傳補注云按陘山延
袤甚廣注家注陘者不一徐廣曰密縣有陘山杜謂召陵之
陘亭或謂在許州鄆城南皆與傳文進次于陘不合韓策秦
攻陘韓因割南陽之地是陘地已近南陽當在今汝州南

其言次于陘何

注

据召陵侵楚不言次來盟不言陘

疏

注据召至

言次○即定四年三月公會劉于晉侯已下于召陵侵楚是

其事也○

注來盟不言陘○

下云楚屈完來盟于師盟于召陵是也

有俟也孰俟俟屈完也注時楚强大卒暴征之則多傷

士眾桓公先犯其與國臨蔡蔡潰兵精威行乃推以伐楚楚

懼然後使屈完來受盟修臣子之職不頓兵血刃以文德優

柔服之故詳錄其止次待之善其重愛民命生事有漸故敏

則有功疏注時楚至待之○杜云遂兩事之辭楚強齊欲緩

疏云言生事有漸者即先犯于蔡乃遂伐楚是也言敏則有

功者敏審也言舉事敏審則有成功也敏則有功見論語陽

貨堯曰篇皇疏敏則事無不成故有功

夏許男新臣卒

注

不言卒于師者桓公師無危不月者為下盟

去月方見大信

疏

楚綱略云新公羊作辛新辛音義通按今

危。左傳云許穆公卒于師是卒于師也。成十三年書曹伯庸卒于師此不書故快之也。左疏引賈逵云不言于師善會

主加禮若卒於國非公羊義何氏謂師無危蓋亦若卒於國

於外與其在地內桓師也。注齊桓威德洽著諸侯安之雖卒

於外與其在地內桓師也。注齊桓威德洽著諸侯安之雖卒

二十三年冬十有一月曹伯射姑卒然則許與曹等而不月

者會盟之例大信者時若不去月恐其盟不為大信故也

楚屈完來盟于師盟于召陵疏。杜云召陵潁川縣地一統志召

五里大事表云今鄆城縣東四十五里有召陵故城水經注

潁水篇東南逕召陵縣故城春秋齊桓公師于召陵責楚貢

不人即此處也城內有大井徑數丈水至清深關駟曰召者

高也其地丘墟井深數丈故以名焉漢書地理志汝南郡召

陵師古曰即齊桓公伐楚次于召陵是也

屈完者何楚大夫也疏。杜云屈完楚大夫也白虎何以不稱

使注。据陳侯使袁僑如會疏。注据陳至如會。即襄三年六

月公會單于晉侯已下同盟于尊屈完也。曷為尊屈完注。据陳侯使

難澤陳侯使袁僑如會。是也。據文僑。本作曷為尊屈完也。曷為尊屈完注。据陳侯使

袁僑如會不尊之以當桓公也注增倍使若得其君以醋霜

德成王事也疏注增倍至其君。舊疏云倍讀如陪益之陪

不必為楚子所使故作自來之文也穀梁傳楚無大夫其曰

屈完何也以其來會桓成之為大夫也注尊齊桓不欲令與

卑者盟亦增倍之義也通義云當敵也楚始自州進未得醋

同中國言使即當如宜申云楚人使完來盟如是則完不尊

嫌以微者敵桓公故氏屈完以成之為貴大夫而不言使仍

以抑楚令不足有君臣之辭且公羊本無尊君抑臣之意何

氏明云尊倍使若得其君意謂尊屈完若得楚子親來以醋

桓公之盛也若如杜義屈完觀齊之盛因而求盟故不稱使

則誠如孔疏所云屈完足以自專無假君命矣注以醋至

事也。舊疏云即下傳云桓公救中國而攘夷狄卒估割以

此為王者之事也左疏引此傳說云其意言屈完楚之貴者

尊之以敵齊侯若屈完足以自專無假君命不為楚子所使

故作自來之文服虔取以為說按孔子曰君使臣以禮臣事
君以忠此聖人之明訓也今乃尊人之臣許其不為君使輕
人之主以為不合使臣是乃縱羣下以觀覲教強臣以專恣
約之以禮豈當然乎按春秋內諸夏而外夷狄於楚尤抑之
甚齊桓伯業以服楚為盛故尊其言盟于師盟于召陵何注
屈完為貴大夫所以尊桓也

据戊寅叔孫豹及諸侯之大夫及陳袁僑盟不舉會與地疏

注据戊至與地。見襄三年舊疏云彼不言陳袁僑來盟于會盟于雞澤與此異故難之。師在召陵也注

時喜得屈完來服于陘即退次召陵與之盟故言盟于師盟

于召陵疏注時喜至召陵。穀梁注云屈完來如陘師盟齊桓以其服義為退一舍次于召陵而與之盟義與

此同然召陵去陘恐不止一舍注師在召陵則曷為再言盟注据

舍也各本于作於非依毛本

齊侯使國佐如師已酉及國佐盟于袁婁俱從地不再言盟

疏注据齊至言盟。見成二年舊疏云言俱從地者謂國佐從晉于袁婁也齊氏召南考證云何注据袁婁甚精召陵

之役齊兵未深入而楚人已服故書來盟袁婁之役晉兵大勝齊人畏而賂之晉受賂而利于盟故書及國佐盟春秋之

謹嚴如此但傳言師在召陵非也上文書伐楚次于陘則師在陘也屈完來盟于師來就陘也盟于召陵齊桓待楚以禮

退至召陵與屈完盟也左傳曰師進次于陘又曰師退次于召陵祇進退二字齊桓行兵服楚次第俱明何氏用左傳以解師在召陵是也按君行師從齊桓退召陵故師在召陵屈完如師如陘之師也盟于師則召陵之師也若陘已盟矣何

召陵又盟乎故經云盟于師傳云師在召陵本一事兩書為服楚喜故書重辭復爾齊氏駁傳非喜服楚也

注孔子曰書之重辭之復嗚呼不可不察其中必有美者焉

疏注孔子至者焉。舊疏云春秋說文鄂本復作複釋文作復繁露祭義云其辭直而重有再歎之欲人省其意也而

人尚不省何其忘哉孔子曰書之重辭之復嗚呼不可不察也其中必有美者焉此之謂也通義云在克寬曰盟于召陵與會于蕭魚書法不異皆一經特筆一以美齊桓之服楚一以美晉悼之定鄭彼詳錄致與會亦書重辭復意也何

言乎喜服楚注据服祭無喜文疏校勘記唐石經何言乎喜

搦服至喜文。即楚有王者則後服注桓公行霸至是乃服上侵蔡蔡潰是也

楚疏注桓公至服楚。校勘記云鄂本乃服楚三字誤作傳文閩監毛本楚字猶誤作傳文屬下惟此本與唐石經

合上三年陽穀之會二年貫澤之無王者則先叛注桓公不

會大國遠國無不至楚向未服也

修其師先叛盟是也疏注桓公至是也。即下經云公至自盟也彼注云為桓公不修其師而執壽塗故也是也書禹貢云江漢朝宗于海彼疏引鄭注云荆楚之城國有道則後服

國無道則先強故記其水之義以著人臣之禮楊雄制州牧

箴杳杳巫山在荆之陽江漢朝宗其流湯湯風慄以悍氣銳

以剛有道後服無道先疆爾雅釋地云漢南曰荊州公羊疏

引李巡注云荊州其氣燥剛稟性強梁故曰荊州強也漢書

賈捐之傳詩云蠢爾蠻荆大邦為讐言聖人起則後服中國

衰則先畔動為國家難自古而患之久矣穀梁莊十年傳何

為謂之荆狄之也何為狄之聖人立必後至天子弱必先叛

故曰荆狄之也按呂氏春秋召類云堯戰于丹水之浦以服

南蠻淮南兵略訓舜伐有苗修務訓舜南征三苗道死蒼梧

韓詩外傳當舜之時有苗不服其不服者衡山在南岐山在

北左洞庭之陂右彭澤之木山此險也以其不服夷狄也而

禹請伐之是其地皆歷代叛服無常不獨楚然也舊疏云卽莊

亟病中國注數侵滅中國疏二十八秋荆伐鄭者是其數

侵中國之文其數滅中國者卽滅鄧穀之屬是也而經不書

者後治夷狄故也釋名釋州國云荊州者荆警也南蠻數為

寇逆嘗警備故也又云楚辛也其地蠻多而人性急數有南

戰爭相爭相害辛楚之禍也亟數也故傳云亟注云數南

夷與北狄交注南夷謂楚滅鄧穀伐蔡鄭北狄謂狄滅邢衛

至于溫交亂中國疏校勘記云閩監毛本同誤也唐石經鄂

本作北夷當據正注同此本疏標起訖

云注北夷至中國閩監毛本亦改作北狄矣○注南夷至蔡

鄭○桓七年穀伯綏來朝鄧侯吾離來朝傳皆何以名失地

之君也二國皆近楚故知楚滅之左傳載滅鄧事在莊二十

二年於桓時向未失地公羊當別有所據伐蔡鄭者莊十年

制敗蔡師于莘十四年荆人蔡十六年荆人鄭二十八年前

伐鄭上元年三年楚人伐鄭二年楚人侵鄭是也上云侵蔡

蔡潰遂伐楚明蔡已為楚屬矣○注北狄至中國○莊三十

二年狄伐邢閔二年狄入衛下十年狄滅溫是也舊疏云溫

言至于者以其在後故言至于僖十年文滅溫中國不絕若

也或者溫是圻內之國去京師近故言至于矣

綫注綫縫帛縷以喻微也疏注綫縫至微也○說文系部綫

國之不絕如綫注綫曰絲也周禮縫人職掌王宮之縫線之

事鄭司農注線縷也考工記鮑人職察其線注故書線或作

綜杜子春云綜當為系旁泉讀為納謂縫革之縷凡可桓公

以縫者皆謂之線也不絕若綫極細物故言喻微也

救中國注存邢衛是也疏注存邢衛是也○而攘夷狄注攘

却也北伐山戎是也疏注攘却也○淮南詮言訓信己之不

諸夏注攘卻也周禮禁殺戮職攘獄者注攘卒怙荆注卒盡

皇清經解賈扁公羊義疏三十

也怙服也荆楚也疏校勘記云唐石經鄂本同閩監毛本怙

誤帖釋文怙他協反一本作貼服也劉

兆同一本作拈或音章反石經考文提要云唐元度九經

字樣宋景德本鄂泮官書本皆作怙錢氏大昕潛研堂答問

云說文帖即卒怙荆之怙○注卒盡也○爾雅釋詁卒盡也

又釋言卒已也詩衛風谷風云畜我不卒○注怙服也○廣

雅釋詁云怙靜也玉篇怙服也靜也又丁尊反靜與以此為

服義近一切經音義引字林怙今作傑同他類反

王者之事也注言桓公先治其國以及諸夏治諸夏以及夷

狄如王者為之故云爾疏注言桓至云爾○成十五年傳春

夷狄言自近者始也注明當先正京師乃正諸夏諸夏正乃

正夷狄以漸治之孟子滕文公篇春秋天子之事也桓公先

治其國以及諸夏治諸夏以及夷狄合乎春秋故以為王者

之事也繁露王道云桓公救中國攘夷狄卒服楚至為王者

事春秋子之為伯誅意不誅辭之謂是也說苑尊賢云春秋

之時天子微弱諸侯力政皆叛不朝眾暴寡強劫弱南夷與

北狄交侵中國之不絕若綫桓公於是用管仲鮑叔隰朋賓

尊無甯戚三存亡國一繼絕世救中國攘戎狄卒膺刑蠻以

國彊兵參其國而伍其鄙定民之居成民之事峻為之終而

慎用其六柄桓公曰吾欲從事於諸侯其可乎曰未可國未
安桓公曰安國若何曰修舊法作內政而寄軍令焉又曰桓
公曰吾欲從事於諸侯其可乎曰未可鄰國未吾親也審吾
疆場而反其侵地正其封疆無受其資而重為之皮幣以驟
聘規於諸侯以安四鄰擇其淫亂者而先征之又云即位數
年一職帥服三十一國遂南征伐楚濟汝踰方城望汶山北
伐山戎制令支斬孤竹而南歸西征攘白翟之地至于西河
縣車東馬踰大行西服流沙南城於周反胙于絳此桓公先
治其國以及諸夏治其言來何注据陳袁僑如會不言來疏
諸夏以及夷狄事也其言來何注据陳袁僑如會不言來疏
注据陳至言來○襄三年書與桓為主也注以從內文知與
陳侯使袁僑如會不言來也與桓為主也注以從內文知與
桓公為天下霸王疏繁露精華云諸侯會同賢為主賢之也
繼世存亡侵伐會同常為本主曰桓公救中國攘夷狄卒怙
刑服楚至為王者事春秋予之為伯誅意不誅辭之謂也○
觀德云召陵之會魯君在是而不得為主避齊桓也是也○
注以從至霸王○上三年傳云其言來盟者何來盟于我也
是此書來為從內辭也教梁傳來者何內桓師也內桓師即
從內義也左疏引服云言來者外楚也嫌楚無罪言來以外
之亦尊桓前此者有事矣注謂城邢衛是也疏○注謂城邢衛
抑楚之義

齊師宋師曹師次于譙北救邢夏六月邢遷于陳儀二年城楚丘是也後此者有事矣注謂城

緣陵是也疏注謂城緣陵是也○下十四年諸侯城緣陵傳執城之城祀也是也則曷為獨於

此焉與桓公為主序績也注序次也績功也累次桓公之功

德莫大於服楚明德及強夷最為盛疏校勘記云唐石經諸

功也按鹽鐵論執務篇引傳曰子積也下云故土積而成山

阜水積而成江海行積而成君子與何本異蓋是嚴顏之別

經義述問云鹽鐵論執務篇曰齊桓公以諸侯思王政憂周

室匡諸夏之難平夷狄之亂存亡接絕信義大著於天下召

陵之會予之為主傳曰子積也故土積而成山阜水積而成

江海行積而成君子此所引傳文序績作予積字不同而說

亦異蓋木於嚴氏春秋也子積謂子桓公之積善即承上子

桓公為主為言義得兩通按序子聲序于五通詩大雅柔

柔篇詩爾序爵墨子尚賢詩爾子爵是也積績亦通漢書

外戚傳賜皮弁素纁師古曰績字或作積是也今儀禮禮記

皆作素積經師口授不同傳者說遂異焉○注序次也○易

繫辭傳易之序也釋文引京注序次也禮記中庸云所以序昭穆

也注序次也序於說文為東西牆之名正字當作敘說文支

部云敘次第也是也○注績功也○爾雅釋詁文桓十二年
經齊師宋師衛師燕師敗績注亦云績功也故書與典三載
考績謂考功也○注累次至為盛○漢書韋元成傳劉歆王
莽議曰自是之後南夷與北夷交侵中國不絕如綫春秋紀
齊南伐楚北伐山戎孔子曰微管仲吾其被髮左衽矣是故
棄桓之過而錄其功以為伯首按伐山戎在莊公世春秋書
人見貶是伯功猶未大著閔二年齊人遷陽不為諱功未足
以覆比滅人之惡故也論語憲問篇齊桓公正而不譎集解
引馬曰伐楚以公義責包茅之貢不人問昭王南征不還是
正而不譎也穀梁疏云論語稱齊桓公正而不譎指謂伐楚
是責正事大故馬鄭指之是鄭說同
馬並以伐楚明德及強夷最為盛也

齊人執陳袁濤塗疏

左氏袁作轅彼釋文亦作袁古袁轅通隸
釋袁良碑厥先舜苗世為封君周之興虞

闕父典陶正嗣滿為陳侯至元孫濤塗初氏父字之姓曰袁
魯僖公四年為大夫哀十一年頗作司徒元和姓纂袁姁姓
舜後陳胡公滿之後胡公生申公生靖伯庚庚生季子
婚婚生仲牛甫七代孫莊伯生諸字伯爰孫宣仲濤塗以王
父字為氏代為上卿字或作轅其實一也轅頗十一代孫袁
生又後漢書袁術傳術又以袁氏出陳為舜後章懷注陳大
夫轅濤塗袁氏其後也惠氏棟左傳補注云按國三老袁良
碑云周之興滿為陳侯至元孫濤塗立姓曰袁法言曰齊桓

公欲經陳陳不果內執
袁濤塗皆不從車旁

濤塗之罪何辟軍之道也其辟軍之道奈何濤塗謂桓公曰

君既服南夷矣何不還師濱海而東服東夷且歸注濱涯也

順海涯而東也東夷吳也從召陵東歸不經陳而趨近海道

多廣澤水草軍所便也疏校勘記出君既服南夷矣云唐石

能左傳陳轅濤塗謂鄭申侯曰師出於陳鄭之間國必甚病

若出於東方觀兵於東夷循海而歸其可也申侯曰善濤塗

以告齊侯許之是濤塗恐師出陳竟故為此言為辟軍道也

○注濱涯至東也○詩小雅北山云率土之濱傳濱涯也國

語晉語又為惠公從子於濱注濱涯也廣雅釋詁濱崖也

濱涯也濱海猶海濱也漢書地理志作海濱瀕瀕即賴詩大雅

召旻云胡不自欒列女傳作胡不自濱是也說文類水涯人

所賓附○注東夷吳也○杜云東夷鄰莒徐夷也按鄰莒等

東方小國莒魯為桓公所奔時桓伯正盛不患不服故何氏

本吳言之吳時未通上國故也○注從召至桓公曰諾於是

便也○舊疏云趨猶趨也謂趨近海之道也

還師濟海而東大陷于浦澤之中注草棘曰浦漸洳曰澤疏

玉篇陷墜入地也廣韻陷人地墮也卽說文之陷說文曰澤

○孟子滕文公云園圃汙池浦澤多趙注浦草木之所生也

澤水也後漢書注引劉熙孟子注云浦水草樹半風俗通山

澤篇云浦者草木之蔽茂禽獸之所蔽匿也水草交厝名之

爲澤澤者言其潤澤萬物以阜民用也蓋分言之則浦以草

蔽帶名澤以水潤澤名通言之則浦之草卽生於水者也故

管子揆度云焚浦澤注水草兼處曰浦地官序官疏引纂要

水之所鍾顧而執濤塗注時濤塗與桓公俱行疏見曰師老

矣若出於東方而遇敵懼不可用也若出於陳鄭之間其

資糧屨屨其可也齊侯說與之虎牢執轅濤塗如左傳齊侯

難許濤塗尙未出師東夷聽申侯告卽止故史記齊世家云

過陳陳袁濤塗詐齊人之出東方覺秋齊伐陳用左氏義也

按齊如僅受濤塗之詐旋卽覺寤則執濤塗於師足矣何至

害故深志濤塗并累及其國若如史記師已陷浦澤實受其

過陳濤塗始說其師出東夷則更無及矣執者曷爲或稱

十八年晉侯執曹伯界宋人成十五年晉侯執曹伯歸之于

涼師皆稱侯而執者也稱爵故為伯討○注言有至宜討○

白虎通三軍云王法天誅者天子自出者以為王者乃天之

所立而欲謀危社稷故自出重天命也犯王法使方伯誅之

尚書曰命于惟恭行天之罰此言開自出伐扈也稱人而執

王制曰賜之弓矢乃得專征伐謂誅犯王法者也稱人而執

者非伯討也疏定元年晉人執宋仲幾歸于京師及此之屬

也不正其踰國而執也注引江熙曰踰國謂踰陳而執陳大

夫主人之不敢齊命被執共為譏齊桓非伯討同也此執

春秋因而譏之按此與左傳皆以濇塗誤軍道被執穀之心故

梁以濇塗為不敬齊命被執共為譏齊桓非伯討同也此執

有罪何以不得為伯討古者周公東征則西國怨西征則東

國怨注此道黜陟之時也詩云周公東征四國是皇疏荀子

篇云周公南征而北國怨曰何獨不來也東征而西國怨曰

何獨我後也後漢書班固傳奏記曰古者周公一舉則三方

怨曰美為而後已孟子梁惠王下滕文公下皆有東而西征

西夷怨南而西征北狄怨又以為武王事蓋當時有此語也江

氏聲尚書集注音疏云孟子天下信之言不似尚書之文

滕文公湯始征云云與梁惠王所引小異而梁惠王明解書
曰滕文公則否言十一征而無敵於天下與天下信之文
絕殊信乎皆非尚書文也觀公羊傳荀子班固奏記則東而
而征云云乃本周公事孟子引以釋書耳繁露于道云古者
東征則四國怨此春秋之救文以質也明春秋雖于桓而不
以罪執則譏從其質也○注此道至是皇○詩幽風破斧又
惠氏棟九經古義云白虎通云傳曰周公人為三公出為二
伯中分天下出黜陟詩曰周公東征四國是皇言周公東征
述職黜陟而天下皆正也經典無西征文荀卿子周公南征
而北國怨東征而西國怨呂氏春秋占樂篇成王立殷民反
王命周公踐伐之商人服象為虐于東夷周人遂以師逐之
至于江南乃為三象以嘉其德此南征之文也董道詩攷云
四國是皇齊詩作四國是匡匡正也故毛傳訓皇為匡白虎
通亦言周公東征述職黜陟而天下皆正也揚子先知篇以
昔在周公四國是皇與召伯述職蔽芾甘棠對舉又或問為
政曰思黜陟昔在周公征于東方四國是王其思矣夫是亦以
此為黜陟時詩也魯語韋注周公時 桓公假塗于陳而伐楚
為二伯而東征則上公為元帥也
疏唐石經鄂本宋本闕監本同毛本塗作途白虎通誅伐云
諸侯家國入人家宜告主人所以相尊敬防并謙也春秋
傳曰桓公假塗于陳而伐楚則陳人不欲其反由己者師不
禮曰使次介先假道用束帛

正故也注故令濤塗有此言疏左傳濤塗謂鄭申侯曰師出

不正也通義云師有失律不便于陳鄭之闕國必甚病明師

夫齊桓公欲經陳陳不果內執袁濤塗其教矣夫又云老人

老孤人孤病者養死者葬男子畝婦人桑之謂思若仔不修

人老屈人孤病者獨死者逋田畝荒杆柚空之謂教其師而執濤塗古人之討則不然也注以已所招而反執人

古人所不為也凡書執者惡其專執疏注以已至為也○謂

自招不知自責而反執人周公所不為也繁露仁義法云昔

楚靈王討陳蔡之賊齊桓公執袁濤塗之罪非不能正人也

然而春秋弗予不得為義以我不正也又精華云春秋之聽

獄也必本其事而原其志邪者不待成首惡者罪特重本

直者其論輕故逢丑父當斷而袁濤塗不宥故亦以濤塗為

國被執其本直也○注凡書至專執○舊疏云言雖有罪方

伯所宜討要須白天子乃可執之然則濤塗之言既惡齊

桓之執有罪又惡齊桓之專執蓋交譏之所以人之也

秋及江人黃人伐陳疏舊疏云內之微者矣穀梁傳不言其人

袁濤塗下嫌是齊師故解之按左疏云直言及江黃

者將卑師少故不言主師言微者及之與舊疏義合

八月公至自伐楚

楚已服矣何以致伐疏莊六年傳得意致會不得意致伐楚此楚已服仍致伐故據以難之

叛盟也注為桓公不修其師而執濤塗故也月者凡公出滿

二時月危公之久疏通義云故以未得意乎服楚致也○注

時云問監毛本同誤也鄂本三作二當據正舊疏云即此傳

公春去秋乃還而云八月公至自伐楚又襄二十八年冬公

如楚二十九年夏五月公至自楚之屬皆是危而久之按此

由春歷秋作三亦通莊五年冬公會齊侯已下伐衛至六年

秋公至自伐衛兵歷四時而不月者彼注云久不月者不與

伐天子也故不為危錄之明伐天子已危不須錄月也校勘

記又云解云危而久之久字亦

有作之字者按久作之則不通

葬許繆公注得卒葬於所傳聞世者許大小次曹故卒少在曹

後疏舊疏云所傳聞之世微國卒葬例不錄之今許得書葬

見也許大小次曹者春秋伯子男一也故相次不一許實男

爵故次于曹而下五年首葬之會許在曹上者會盟之序皆

主會者為之昭十二年傳所云其序則齊桓晉文其會則主會者為之首藏會時桓公得意諸侯背叛上假王世子示以公義或序許先于曹不能以德優劣國大小相次非信史矣穆左毅作穆

冬十有二月公孫慈帥師會齊人宋人衛人鄭人許人曹人侵

陳注月者刺桓公不修其師因見忠許不內自責乃復加人

以罪疏

左氏毅梁慈作茲漢書地理志上郡龜茲應劭曰音邱慈是慈茲通也○注月者至以罪○舊疏云正以

侵伐例時此書月故須注解也因見忠許者言因是不修其師之故而為陳之所苦患遂為所調誑矣按不修其師即上

傳陳人不欲其反由已師不正故也

五年春晉侯殺其世子申生

曷為直稱晉侯以殺注据鄭殺其大夫申侯稱國也續問以

殺者問殺所稱例爾非謂晉侯不當稱國爵也疏注据鄭至

下七年經云鄭殺其大夫申侯是也○注續問至爵也○舊疏云若直問曷為直稱晉侯即嫌時不合稱晉侯傳須云以

殺明其但在何故稱殺世子母弟直稱君者甚之也注甚之

者甚惡殺親親也春秋公子貫於先君唯世子與母弟以今

君錄親親也今舍國體直稱君知以親親責之疏注甚之至

梁傳曰自晉侯斥殺惡晉侯也繁露王道云此其誅也殺世

子母弟直稱君明失親親也白虎通誅伐篇父煞其子當誅

何以為天地之性人為貴人皆天所生也託父母氣而生耳

王者以養長而教之故父不得專也春秋傳曰晉侯殺其世

子申生直稱君者甚之也按晉世家獻公謂驪姬曰吾欲廢

太子以奚齊代之驪姬泣曰太子之立諸侯皆知而數將兵

百姓助之奈何以賤妾之故廢嫡立庶君必行之妾自殺也

驪姬詳譽太子而陰令人譖惡太子而欲立其子二十一年

於是祭其母齊姜於曲沃上其薦胙於獻公獻公時出獵置

胙於宮中驪姬使人置毒藥胙中居二日獻公從獵來還幸

人上胙獻公公欲贊之驪姬止之曰胙所從來遠宜試之祭

地地墳與犬死與小臣小臣死驪姬泣曰太子何其忍也

其父而欲弑代之况他人乎且君老矣莫之人曾不能待

而欲弑之謂獻公曰太子所以然者不過以妾及奚齊之故

也始召欲廢之妾猶恨之至於今妾殊自失於此太子聞之
奔新城獄公怒乃誅其傅杜原款或謂太子曰爲此藥者乃
驪姬也太子何不辭之君且怒之不可或謂太子曰可奔他國太
安食不計即辭之君且怒之不可或謂太子曰可奔他國太
子曰被此惡名誰內我我自殺耳十二月戊申太子自殺於
新城左傳檀弓並載此事詳略互見是知太子母弟則不爾故公子牙卒
殺者如是書耳其殺有罪之太子母弟則不爾故公子牙卒
貶去弟也又覆二十六年宋公殺其世子痤注痤有罪平公
書葬書法雖同又於葬不葬別之包氏慎言云按晉侯詭諸
以九年卒不書葬注不書葬者殺太子然則殺太子者不得
入先君之兆絕先祖之嗣故絕之於先祖也康誥曰于父不
能字厥子乃疾厥子文王作罰刑茲無赦蓋謂此也其隱元
年鄭伯克段于鄆不言弟與牙同也後漢書楊終傳春秋殺
太子母弟直稱君甚惡之者坐失教也與何氏義微異○注
春秋至親也○禮喪服傳諸侯之子稱公子公之稱公
係謂次嫡而下通稱也以公子貫於先君春秋例爾親疏之
別殷道親親舍文從質也○注今舍至責之○傳疏云今舍
國體謂不直言晉殺申生也襄二十一年天王殺其弟年夫注
王者得專殺書者惡失親也未三年不
去王者方惡不思寡而殺弟不與子行也

杞伯姬來朝其子

其言來朝其子何注据微者不當書朝連來者內辭也與其

子來者問為直來乎為下朝出疏注据微至書朝○隱十一

曰聘是微者不當書朝也○注連來至朝出○凡春秋書來

者皆內辭故上四年屈完來盟于師亦內桓也舊疏云今此

傳不云其言朝其子何而連來問之者欲問伯姬來者為是

無事而來為是有事言來者為是朝其子而出之直來者即

莊二十七年冬杞伯姬來傳云其言內辭也與其子俱來朝

也注因其與子俱來禮外孫初冠有朝外祖之道故使若來

朝其子以殺直來之恥所以辟教戒之不明也微無君命言

朝者明非實疏注禮外至之道○禮士冠禮云冠者適東壁

入見姑姊如見母又云乃易服奠擊見于君遂以摯見于鄉

大夫鄉先生無見外孫禮喪服總麻章外孫疏云以母出外適

而子故曰外孫○注故使至明也○通義云以世本校之是

年杞惠公卒成公立成公蓋伯姬所生故始嗣位即來朝於

與俱來尤非禮也故為內諱辭曰來朝其子使若子幼而母
 率之來見者然知不然者以史記陳杞世家潘公十五年楚
 惠王滅陳上推至僖五年為武公三十二年以徐廣注所引
 世本校之史記之德公則世本之惠公惠公下多一成公十
 八年則依世本此年正值靖公之四年亦非未踰年君然則
 此伯姬當即莊二十五年所歸者為靖公之母計靖公生至
 此十三四年即位後行冠禮左氏所云國君十五而生子冠
 而生子故也冠後與其母俱來與若如世家在武公之世則
 靖公尚為世子正左疏引沈氏所云伯姬以莊二十五年六
 月歸于杞假令後年生子則其年十四杞伯不宜令其與母
 來魯又穀梁傳云婦人既嫁不踰竟踰竟非正也請侯相見
 曰朝伯姬為志乎朝其子也伯姬為志乎朝其子則是杞伯
 失丈夫之道者是也杜云朝其子者時子在十歲左右因
 有諸侯子得行朝義而卒不成朝禮故繫于母而曰朝其子
 則謂攝君行朝禮也孔疏云諸侯之子得有攝君之禮行朝
 之義但此子幼弱而卒不成朝故繫于母而曰朝其子也若
 能行朝禮則世子當如曹伯射姑杞伯姬別言來耳按如何
 義則婦人既嫁不踰竟故書朝其子殺恥以辟內女之失教
 也左傳釋文云杞伯姬來絕句來歸甯朝其子猶言其子朝
 ○注微無至非實○校勘記出言朝者服非實云鄂本服作
 明此誤疏亦云云經書來朝明其非實按何氏上言據微者不
 當書朝此又云微無君命則與穀梁義近意謂杞伯姬與子

俱來本無武公之命故不書使武公不能制其妻與子則武公與有失焉又云諸侯相見曰朝以待人父之道待人之子非正也故曰杞伯姬來朝其子參譏焉以爲直行朝禮何氏所不取舊疏云曹伯使世子射姑來朝彼言使來朝則有君命今既是微人復不言使而書來朝明非賁也義或然也

夏公孫慈如牟

公及齊侯宋公陳侯衛侯鄭伯許男曹伯會王世子于首戴疏

左氏首戴作首止按戴从弋得聲與止聲古音同在之部得段借也杜云首止衛地在陳留襄邑縣東南有首鄉大事表云在今河南歸德府睢州治東南接甯陵縣境一統志首鄉在歸德府睢州東南

曷爲殊會王世子注据宰周公不殊別也疏注据宰至別也

會宰周公齊侯等于葵丘是也世子貴也世子猶世世子也注解貴意也言

當世父位儲君副主不可以諸侯會之爲文故殊之使若諸侯爲世子所會也自王者言之以屈遠世子在三公下禮喪

服斬衰曰公士大夫之眾臣是也自諸侯言之世子尊於三

公此禮之威儀各有所施言及者因其文可得見及及也世

子所以會者時桓公德衰諸侯背叛故上假王世子示以公

義疏注言當世父位○白虎通篇云韓詩內傳曰諸侯三

世世不絕也何以知天子之子亦稱世子也春秋傳曰公會

王世子於首止天子諸侯世故稱世子明當世世父位也白

虎通又云父在稱世子何繫於君也大夫士以下稱嫡子長

子不世故也禮記郊特牲云古者康公不繼世為世絕也○

注儲君至會也○閔二年左傳說大子云君行則守有守則

從從曰撫軍守曰監國古之制也是儲君副主也穀梁傳曰

及以會尊之也何重焉天子世子云者唯王之貳也云可以重

之存焉尊之也何重焉天子世子云者唯王之貳也云可以重

若世子為會主致諸侯於此而會之故言使若諸侯為世子

所會矣○注白王至是也○校勘記出公上大夫之眾臣云

鄂本上作士此誤按各本俱誤上禮喪服云公士大夫之眾

臣為其君有帶繩履注士卿也又傳曰公卿大夫室老士費

臣其餘皆眾臣也君謂有地者也舊疏云何氏引喪服者欲

言三公臣有為之斬衰世子則無是卑於三公之義○注白

諸至所施○舊疏云卽殊與不殊是也何者世子於諸侯將
有君臣之義故也杜亦云不名而殊會尊之也王之世子尊
與王同齊桓行霸翼戴天子尊崇王室故殊貴世子按其言
尊之與公羊同其云桓公行伯殊貴世子謂殊爲齊桓之意
非公羊義○注言及至汲也○隱元年傳及猶汲汲也及我
欲之然則此言及者因會王世子之經得見魯公汲汲於齊
桓矣並舊疏文○注世子至公義○繁露王道云會王世子
譏微也明桓公德衰諸侯背叛上假王世子也德衰者上四
年傳楚叛盟也注云桓公不修其師而執濤塗是也叛盟者
下鄭伯逃歸不盟是也穀梁傳天子微諸侯不享觀桓控大
國扶小國統諸侯不能以朝天子亦不敢致天王尊王世子
于首戴乃所以尊天王之命也世子含王命會齊桓亦所以
尊天王之命也世子受之可乎是亦變之正也天子微諸侯
不享觀世子受諸侯之尊已而天王尊矣世子受之可也蓋
穀梁言其文公
羊言其實也

秋八月諸侯盟于首戴

諸侯何以不序注据上會序疏

注据上會序○卽上列序一諸侯某某會于首戴是也

事而再見者前目而後凡也注省文從可知間無事不省諸

侯會盟一事不舉盟者時世子不與盟周禮小宰職二曰

三日司掌官法以治日注治凡若月計也治日若今日計也

蓋凡者總目者散故也繁露祿爵云日者偏辨其事也凡者

獨舉其事也言此諸侯即上會之諸侯故從省文也春秋正

辭云若葵丘先會後盟昭十三年公會劉子晉侯已下于平丘

○注間無至諸侯○昭十三年公會劉子晉侯已下于平丘

八月甲戌同盟于平丘彼以其間無事故省諸侯今亦無事

而不省諸侯故解之○注會盟至與盟○文十四年公會宋

公陳侯已下同盟于新城彼是會盟一事舉盟為重不先別

言會于某今此會盟並舉故解之明世子與會不與盟也所

以間無事必重出諸侯不則嫌王世子與盟矣穀梁傳曰無

中事而復舉諸侯何也尊王世子而不敢與盟也尊則其不

敢與盟何也盟者不相信也故謹信也不敢以其所不信者

而加之尊者杜亦云問無異事

復舉諸侯者王世子不盟故也

鄭伯逃歸不盟

其言逃歸不盟者何注据上言諸侯鄭伯在其中弟子疑故

孰不知問疏注据上至知問○舊疏云亦有無据字者不可

非正本通義云据陳侯逃歸不言不盟

使盟也注時鄭伯內欲與楚外依古不盟為解安居會上不

肯從桓公盟故後言不盟疏通義云時鄭試於楚齊桓不能

諸侯於上特著不盟者於下陳侯既會乃歸不可言不盟時

又本無盟事異故辭異爾非何義○注時鄭至不盟○鄭自
莊十四年後數受楚兵上四年屈完雖服旋即叛盟勢必加
兵於鄭故有內欲與楚之事也依古不盟為解者即桓三年
傳古者不盟結不可使盟則其言逃歸何注据後言不盟居
言而退是也

會上辭疏注据後至上辭○何意謂不盟魯子曰益不以寡

犯眾也注諸侯以義相約而鄭伯懷二心依古不肯盟故言

逃歸所以抑一人之惡申眾人之善故云爾疏解鄭伯逃歸

侯同欲攻鄭責其不盟故畏而逃爾○注諸侯至云爾○通

義云諸侯同心欲盟而鄭獨背中國故抑之加之賤稱也穀
梁云以其去諸侯故逃之也亦此義也故彼注云專己背眾
曰逃傳例曰逃義曰逃是也孔疏禮君行師從卿行旅從雖
則會盟必有師旅鄭伯棄其師眾輕身逃歸釋例曰國君而
逃師棄盟違其典儀棄其章服羣臣不知其謀社稷不保其

安此與匹夫逃竄無異故例
在上曰逃是言稱逃之意也

楚人滅弦弦子奔黃疏

通義云以黃隗江六比之雖與盟同月不蒙月也吳楚始見滅國例不月惡而

略之甚杜云弦國在弋陽縣東南大事表云今湖廣黃州府

蕲水縣東三十里有軟縣故城為弦地又河南光州光山縣

西南有弦城蓋光黃本接壤也水經注江水篇又東逕軟縣

故城南故弦國也春秋楚滅弦弦子奔黃是也地理志江夏

郡軟下云故弦子國馬氏宗連左傳補注云鄭元曰江水又

東經西陽郡南即西陽縣也晉書地道記以為古弦子國通

典光州光山縣漢西陽縣也春秋弦國之地仙居縣本漢軟

縣今縣東有弦亭據水經注通典漢之軟縣西陽皆弦子地

元凱第釋弦國在軟縣東南是乃元和郡縣志所云弦國之

都也紀要軟縣城在黃州府蕲水縣西北四十里故弦子國

弦城在光州西南

九月戊申朔日有食之注此象齊桓德衰是後楚遂背叛狄伐

晉滅溫晉里克比弑其二君疏注此象至二君○釋文作比殺申志反楚遂背叛者即上

四年傳楚叛盟下六年楚人圍許是也狄伐晉滅溫即下八

年狄伐晉十年狄滅溫是也晉里克比弑二君即下九年晉

里克弑其君之子奚齊十年晉里克弑其君卓是也漢書五行志云僖公五年九月戊申朔日有食之董仲舒劉向以為先是齊桓行伯江黃自至南服強楚其後不內自正而外執陳大夫則陳楚不附鄭伯逃盟諸侯將不從桓政故天見戒其後晉滅虢楚圍許諸侯伐鄭晉弑二君狄滅溫楚伐黃桓不能救劉歆以為七月秦晉分

冬晉人執虞公

虞已滅矣其言執之何注据滅言以歸上傳云四年反取虞

知去滅變以歸言執疏注斯滅言以歸○即下二十六年楚人滅隗以隗子歸是也○注上傳至

取虞○見上二年傳○注知去至言執○以上傳明云取虞知此為滅虞則書執為變以歸辭矣不與滅也

曷為不與滅滅者亡國之善辭也注言滅者王者起當存之

故為善辭疏注言滅至善辭○論語堯曰篇興滅國彼述武王克殷事明滅國當興也滅者亡國之善辭下

十九年梁亡書亡為自亡與此滅者上下之同力者也注言

之變以歸言執皆春秋所絕也滅者臣子與君戮力一心共死之辭也不但去滅復去以歸

言執者明虞公滅人以自亾當絕不得責不死位也晉稱人

者本滅而執之不以王法執治之故從執無罪辭也虞稱公

者奪正爵起從滅也不從滅例月者略之疏注言滅至辭也

本勅作戮此本文十三年疏所引同釋文戮又作勅葉本釋

文云又作戮則正文當作勅字鄂本注作勅與釋文葉本合

通義云謹按再言滅者言不與滅有二義一則罪虞貪賄滅

人以自亾故不與善辭一則見晉詐讓取之虞君臣無拒守

之力故不得言滅也左傳曰罪虞公且言易也與此傳同義

也注不但至位也繫露上道云虞公貪財不顧其難受

晉之璧屈產之乘假晉師道還以自滅宗社破毀社稷不祀

身死不葬又云觀乎虞公亾知貪財任法之窮是其滅人

以自亾故上二年坐虞滅人首惡序晉上此復辱其滅辭也

責以死位者如莊十年書譚子奔莒此上弦子奔黃之屬是

也杜云虞公貪璧馬之寶距絕忠諫稱人以執同於無道於

其民之例所以罪虞繁露滅國上云虞公不用宮之奇晉獻
亾之存亾之端不可不知也諸侯見加以兵逃遁奔走至於
滅亾而莫之救平生之素行可見也注晉稱至辭也通
義云稱人以執者惡晉也按上四年傳云稱人以執者非伯
討也明晉不以王法治之非伯討故從執無罪辭杜云晉侯

修虞之祀而歸其職貢於王故不以滅同姓為譏非也沈氏
欽韓左傳補注云春秋之義有見於彼而略於此者于彼見
一義於此又見一義滅同姓惡之甚者也於衛侯般滅邢見
之則其例可以類推此言晉人執虞公則虞公之國亡身虜
行以自取又別起一義非以晉之罪為可恕也劫賊殺人取
財而分貨於上罪亦可免乎是其義也○注虞稱至滅也○
包氏慎言云此言王者起亦絕而不錄也謂直絕其宗祀通
義云虞稱公者蓋嘗為三公按虞之正爵不可考周時二王
之後稱公正爵也天子三公亦稱公職名也虞公以官稱知
為奪正爵起其滅也從字疑衍當涉下文不從滅例而誤耳
穀梁注引江熙云春秋有州公郭公虞公凡三公非爵也傳
以為下執之辭嘗試因此論之五等諸侯民皆曰公存有王
爵之限沒則申其臣民之稱州公舍其國故先書州公郭公
資而歸曹故先名而後稱郭公夏陽亡則虞為滅國故宜稱
虞公三人殊而一致三公外而同歸生死齊稱益春秋所賤
按穀梁傳云其曰公何也猶曰其下執上之辭也亦即奪
正爵之義魏策云昔者晉人欲囚虞而先伐虢伐虢者亡虞
之始也故荀息以馬與璧假道於虞宮之奇諫而不聽卒假
晉道晉人伐虢反而取虞故春秋書之以罪虞公○注不從
至略之○滅例月者莊十年冬十月齊師滅譚十三年夏六
月齊人滅遂之屬是也莊十年三月宋人遷宿注云月者遷
取王封當與滅人同罪書者宋當坐滅人宿不能死社稷當

絕也若然彼譚子奔莒注云月者惡不死位與尋常小國奔殊也此不月故為略辭

六年春王正月

夏公會齊侯宋公陳侯衛侯曹伯伐鄭圍新城

疏杜云新城鄭新密今滎陽

密縣大事表云今許州府密縣東南三十里有故密城水經注洧水篇洧水又東逕密縣故城南春秋謂之新城左傳僖六年會諸侯伐鄭圍新密是也漢書地理志河南郡密下師古注云此即春秋僖六年圍新密者也蓋鄭地

邑不言圍此其言圍何疆也注惡桓公行霸疆而無義也鄭

背叛本由桓公過陳不以道理當先修文德以來之而便伐

之疆非所以附疏疏隱五年宋人伐鄭圍長葛傳文與此同

十二年齊侯伐宋圍緡經文與此同傳云世不言圍是也下二

圍何疾重故也義各有當皆惡辭也注惡桓至附疏○毛

本由誤自便誤使依宋本正繁露精華云損人之國而執其

大夫不救陳之患而責陳不禮不復安鄭而必欲迫之以兵

謂此說苑指武云聖人之治天下也先文德而後武力凡武

之賢為不服也文化不改然後加誅夫下愚不移純德之所

不能化而後

武功加焉

秋楚人圍許諸侯遂救許疏左傳楚子圍許以救鄭諸侯救許乃還穀梁傳善救許也

冬公至自伐鄭注事遷於救許以伐鄭致者舉不得意疏注事

得意○莊六年傳云不得意致伐已移師救許仍以伐鄭作不得意辭者下七年書齊人伐鄭明此不得意故復伐也據

左傳諸侯救許楚師即還無為不得意也

七年春齊人伐鄭

夏小邾婁子來朝注至是所以進稱爵者時附從霸者朝天子

旁朝罷行進齊桓白天子進之固因其得禮著其能以爵通

疏注至是至爵者○傳疏云決莊五年倪黎來來朝之文通義云進稱爵者始受王命列為諸侯也杜注亦云邾婁

始得王命而來朝也按莊五年傳倪者何小邾婁也小邾婁則曷為謂之倪來能以其名通也故此稱子為進稱爵○注

時附至爵通○校勘記云卯本罷作能按旁應讀去聲於朝天子罷而朝魯所謂朝罷朝也作能者應誤舊疏云小邾婁

子朝天子不書者例所不錄以諸侯之法五年一朝天子是常事故不書之也朝魯謂之旁朝者欲對朝王為正朝故也按小邾婁因朝天子齊桓白天子進稱爵然不合書時旁朝魯魯為受命王因得禮書其爵以示法也

鄭殺其大夫申侯

其稱國以殺何注據晉侯殺其世子申生稱侯疏注據晉至

年上五稱國以殺者君殺大夫之辭也注諸侯國體以大夫為

股肱士民為肌膚故以國體錄疏孟子告子下云無專殺大

通義云謹案稱國者眾辭言非君得專殺之與眾棄之者也殺世子毋弟不稱國者不與國人感兄弟也古者刑人于市

刑公族于甸師是其義也

秋七月公會齊侯宋公陳世子款鄭世子華盟于甯毋疏穀梁

左傳釋文毋如字又音無注同校勘記云閱本毋作毋釋文甯毋音無或音某葉鈔本及唐石經作甯毋穀梁釋文亦作甯毋按甯音義通禮記禮運注陳靈公與孔甯儀行父釋文甯本又作寧今左傳作寧公羊作甯是也說文川部甯所願

也从川寧省齊萬部寧爾詞也从万而聲是其證杜云高平
方與縣東有泥母亭音如甯一統志泥母亭在兗州府魚臺
縣東二十里大事表云在今兗州府魚臺縣東二十里水經
注河水又東逕泥母亭北春秋左傳盟于甯母謀伐鄭也差
繆略云左氏陳世子欵下又有鄭世子華甯作寧俱與今本異趙
作甯則陸所見公穀本無鄭世子華甯作寧俱與今本異趙
氏坦異文箋云陸氏殆因左氏傳有會而列姦何以示後嗣
及記姦之位君盟替矣之語而云然然唐石經左公穀並有
鄭世子
華四字

曹伯般卒疏左氏穀梁般作班易屯六二乘馬班如釋文鄭本

般書分器序班宗釋釋文
班本又作般是音義通

公子友如齊

冬葬曹昭公

八年春王正月公會王人齊侯宋公衛侯許男曹伯陳世子款

鄭世子華盟于洮疏校勘記云唐石經諸本同按左氏穀梁
無鄭世子華故下鄭伯乞盟此蓋因注

言甯母之盟陳鄭遺世子而誤行趙氏坦異文箋亦云此經
 下即次鄭伯乞盟則鄭世子華不會盟可知公羊衍此四字
 杜云洮曹地大事表云僖三十一年晉文公分曹地自洮以
 南東傳于濟即此今曹州府濮州西南五十里有洮城水經
 注今鄆城西南五十
 里有姚城或謂之洮

王人者何微者也曷為序乎諸侯之上先王命也汪衛王命

會諸侯諸侯當北面受之故尊序於上時桓公德衰甯母之

盟常會者不至而陳鄭又遺世子故上假王人之重以自助

疏注衛王至於上○穀梁傳曰王人之先諸侯何也貴王命

先諸侯漢書薛方進傳消勳奏言春秋之義王人微者序乎

諸侯之上尊王命也周禮內司服注春秋之義王人雖微者

酒序於諸侯之上所以尊尊也疏云以其天子中上已上於

經見名氏天子下士名氏不見今直云人是天子下上序在

諸侯之上是尊王命○注時桓至自助○甯母之盟見上七

年彼云公會齊侯宋公陳世子欵鄭世子華盟于甯母是陳

鄭皆遺世子也衛侯許男等皆不至是常會者不至

也桓公假王人之重與上五年會王世子于首戴同

鄭伯乞盟

乞盟者何處其所而請與也注以不序也疏

繁露視德云洸之會鄭處而不

來謂之乞盟穀梁亦云乞者處其所而請與也注言乞知不

自來通義云處其所者居其國而不自來也與許也使請見

許盟于齊也注以不序也○謂洸之會其處其所而請與

不序鄭也是知公羊亦無鄭世子華矣 奈何蓋酌之也注酌挹也時鄭伯欲與楚不肯自來盟處其

國遣使挹取其血而請與之約束無汲汲慕中國之心故抑

之使若叩頭乞盟者也不錄使者方抑鄭伯使若自來也不

盟不為大惡者古者不盟也疏注酌挹也○穀梁傳亦曰蓋

云周官邦為先鄭司農曰為讀如酌酒尊中之酌斟酌益取

國家密事若今時刺探尚書事然則酌之猶言探之也鄭屬

於楚不敢親來盟使世子為乞盟以探齊侯之意蓋齊侯許

注酌猶取也詩酌序釋文附本李注酌故穀梁亦作酌莊子田
 子方篇夫水之可酌也釋文引李注酌取也禮記郊特牲云
 縮酌用茅注酌猶斟也左傳成六年子為大政將酌於民者
 也注酌取民以為政又成十四年傳不內酌飲皆挹取之義
 故何氏訓酌為挹孔氏孫氏說非何義注時鄭至者也
 毛本乞盟誤乞明孟子告子下東牲載書而不誅血注但加
 載書不復歃血周禮司盟職掌盟載之法謂盟時為書殺牲
 取血坎其牲而加書以埋之故左傳襄二十六年伊戾誅太
 子癸與客盟謂坎用牲加書也鄭伯心於楚又懼中與楚
 遣使挹血為盟故春秋抑之書乞也鄭伯心於楚又懼中與楚
 之會陳牲而不殺注所謂無敵血之盟是也彼疏云八年洗
 會云灼血與鄭伯者彼兵車之會故也彼疏云二十七年傳
 云衣裳之會十有一未嘗有敵血之盟故楊如此解也范注
 又引鄭君云盟牲諸侯用牛大夫用豕注不錄至索也○
 鄭伯使人來盟宜書鄭伯使某乞盟如襄三年陳侯使袁僑
 如會矣欲深期鄭伯之即夷背中國故特鄭伯若自乞盟也
 惡者正以鄭伯不貶不絕故也若其是大惡宜如陳佗之貶
 爵書名矣是也

夏狄伐晉

秋七月禘于太廟用致夫人疏禮記雜記云孟獻子曰正月日

可以有事于祖七月而禘獻子為之也注云獻子欲尊其祖

以郊天之月對月禘之非也魯之宗廟猶以夏時之孟月也

明堂位曰季夏六月以禘禮祀周公于太廟正義云周之季

夏即夏之孟月建巳之月春秋宣九年獻子始見經信八年

於時未有獻子而七月禘者鄭答趙商云以僖八年正月公

會王人于洮六月應禘以在會未還故至七月乃禘君子原

情免之理不合譏而書之為致

夫人故書七月禘也義或然也

用者何用者不宜用也致者何致者不宜致也禘用致夫人

非禮也注以致文在廟下不使入廟知非禮也禮夫人始見

廟當特祭而因禘諸公廟見欲以省煩勞不謹敬故譏之不

日者下用失禮明疏殺梁傳曰用者不宜用者也致者不宜

用在廟下不宜已見也通義云禘夏祭名時祭當以夏正首

月周七月非所用禘也時因夫人始至特用禘禮使見於廟

故譏其不宜用不宜致禮器曰不善嘉事鄭司農以為嘉事

之祭致夫人是也乃取此經說之解詁箋云夫子曰魯之郊

廟非禮也春秋因假以見王義故曰舍魯何適非以為內小
 惡不諱也禮不王不禘禘者審諦功德功臣與祭非審諦昭
 穆也商頌長發備矣○注禮夫至譏之○禮昏禮述士禮云
 舅姑既沒則婦入三月乃奠菜又記云婦人三月然後祭行
 然則新婦三月行廟見禮所謂特祭也於後值時祭則助祭
 所謂祭行也故彼注云入夫之室三月之後於祭乃行謂助
 祭也程氏珣出通藝錄云助祭自兼嫡婦庶婦言賈疏惟指
 嫡婦未備若三月廟見則惟嫡婦以廟見奠菜象盥饋庶婦
 不饋則亦不奠菜也禮記曾子問云三月而廟見何來婦也
 擇日而祭于廟成婦之義也推之諸侯夫人理亦宜然此夫
 人未特行廟見遇有禘祭因而致之故為譏省煩勞不敬謹
 也○注不月至禮明○毛本失禮誤夫禮舊疏云隱五年考
 仲子之宮下注云失禮鬼神例日此亦失禮而不書日故知
 用在廟下失禮已明不勞舉日也通義云宗廟例日不日者
 不主為祭事譏故從夫人何以不稱姜氏貶曷為貶注據夫
 夫人至例本不日也
 人姜氏入不貶疏注據夫至不貶○莊二十譏以妾為妻也
 四年夫人姜氏入是也

[注]以逆不書人廟當稱婦姜而稱夫人者夫人當坐奠嫡也
 妾之事嫡猶臣之事君同疏注以逆不書○舊疏云欲道傳
 家知以妾為妻者正以初逆不

書與桓莊之賜夫人文異故也是也。○注入廟至嫡也。○宣
元年遂以夫人婦姜至自齊是也。婦者有姑之詞成風在故
宜辨婦姜氏今不然故知坐奠舊儀云人廟當稱婦今而稱
夫人明其有篡嫡之心欲得為夫人是以稱之曰夫人見其
當有篡嫡之罪矣猶如桓宣篡弒得卽位是以春秋亦如其
惡書其卽位明其本意耳。○注姜之至君同。○釋名釋親云
妾謂夫之嫡妻曰女君禮喪服不杖期章妾為女君賈疏云
妾事女君使與臣事君同故次之謂次為君之父母妻長子
祖父母也。敖繼公儀禮集說云此服期與臣為小君之義相
類是也。妻與夫敵體婦人無爵從夫之爵故妾以夫為君卽
以嫡妻為女君是與臣事君同也。繁露王道云立夫人以嫡
不以妾舊疏云注言此者欲道妾之篡嫡欲得為夫人春秋
書之曰夫人猶如臣子篡君欲得
卽位而春秋亦書卽位之義矣。其言以妾為妻奈何蓋脅

于齊媵女之先至者也。注以不致楚女及夫人至皆不書也。
僖公本聘楚女為嫡齊女為媵齊先致其女魯僖公使用為
嫡故從父母辭言致不書夫人及楚女至者起齊先致其女
然後脅脅立也。楚女未至而豫廢故皆不得以夫人至書也。

疏繁露七十云妾不奉君之命則媵女先至者也。注傳公
 女頃熊也。禮同姓相媵異姓則否。而魯嫁伯姬齊人來媵。邾
 文公元妃齊姜。二妃皆姬。未世之事不復依古。是以齊女得
 為楚媵矣。按同姓相媵。本左氏家言。未可為據。解詁云。魯
 以夫人為聖姜。穀梁以為成風。皆立姜之詞。非禮也。詩曰。魯
 侯燕喜。令妻壽母。宜大夫庶士。邦國是有。既多受祉。妻聖姜
 母成風。宜言不。宜也。既多言弗。戢也。皆微辭。春秋之制。諸侯
 世子誓于天子。得外取公子。與大夫同。不得外取。即位時。取於齊者。經
 夫人備左右。媵姪。婦焉。聖姜蓋僖公。未即位時。取於齊者。經
 無如楚逆女。及夫人姜氏。至自齊。之文。故傳為存疑。詞按如
 劉說。僖公庶子。宜與大夫同。不齊。先取。烏得未即位時。取於
 齊。欲違傳義。無實據焉。注齊先至言。致。未成。九年。季孫行
 父如宋。致女。注古者婦人三月而後廟。見。梅。婦擇日而祭。于
 禰。父母使大夫操禮。而致之。故言。致。為。從。父母。辭。也。注不
 書。至。書。也。校。勘。記。云。元。年。疏。引。作。魯。之。時。可。以。書。其。至。今
 舊。疏。云。皆。欲。道。若。齊。女。未。至。而。已。魯。之。時。可。以。書。其。至。今
 先。致。其。女。乃。後。齊。魯。為。夫。人。其。初。至。之。時。乃。為。媵。姜。是。以。不
 得。書。其。至。矣。按。齊。先。致。女。後。魯。立。故。齊。女。不。得。以。夫。人。至。其
 楚。女。未。至。而。豫。廢。故。又。不。得。書。楚。女。至。也。左。氏。以。為。禱。而。致
 哀。姜。按。哀。姜。淫。於。二。叔。比。弑。二。君。為。齊。桓。所。誅。僖。公。無。緣。復
 致。為。夫。人。穀。梁。以。為。成。風。注。云。立。之。以。為。夫。人。然。子。無。立。母

之義則母以貴即位除喪時即自尊亦何至此始
因禘而致與魯先致其女齊魯使立宜亦春秋說文
冬十有二月丁未天王崩注惠王也疏包氏慎言云經書十二
十一日按是月己丑朔當十九日

皇清經解續編卷千二百十八終

丹徒陳慶年參校

皇清經解續編

公羊義疏三十

三